

# *SIEMBA SA BUTOKWA SE SI*

## *ZIBAHALIZWE SA MULIMU*

 Ni itumezi, hahulu luli, muzwale. Billy ubata kuli ni bulele kuli ye kona nako yaka yapili fa katala, mwa likweli zetalu. Mi yena . . . Na hupula nako yapili hane Ni bile ni yena, kuli apake, ki hali, “Taba ya pili, Na saba.” Nina, na saba. Mwendi ka myaha ye mashumi amalalu ni zeketalizoho mwa bulumiwa, mi ye kona yetelele hahulu fo Ni bezi kwahule ni katala kuzwa fo Ni bezi mwa bulumiwa. Ne ni tokwa kupumula nyana, kuli Muzwale Mosley ni Na, ni babañwi ba mizwale kwanu, nebali fa musipili wa kuzuma. Mi lu se lu pumuzi cwale. Mi wo kona mukopano waka wapili haisamba Niba . . . kuzwa ka wani Mwimunene. Mi ki nto yeñwi . . . bulumiwa ki sika se mu lukela kuina ni sona.

<sup>2</sup> Mi cwale Ni ba kupile kuli batime sifukusi sa moyo sani, kamba kubona haiba bakona ku si tima, kakuli Ni ziba kuli kutata ku utwa hande. Mi ku tata, Na ziba, mutu hasweli kufa bupaki bwa hae. Nekuli butata kuli ni mu utwe. Kikuli mwa utwa kaufela hande cwale? Kihande. Ni ziba kuyemela bukaufi ni maikulofoni ye kufitela ba i lukisa.

<sup>3</sup> Le ki—ki litohonolo lelituna ku na, mi Ni—Ni itumela hahulu ku muina sipula, ni kwa katengo ka ba Baana ba Pisinisi Yetezi ya Evangelii kwanu mwa Yuma, ni bakutazi kaufela. Baopeli babande ba fa, nebali kwanu nako nyana yefitile, Ni tabela ku ba utwa kwa—kwa mukopano. Yani neli yende luli. Ne—Ne ni komoka fela, hane basweli kuopela, haiba John na ni boni. Mi Na sepa na ni boni. Mi, kacwalo, Ni utwa kuli uteni mwa ancafazo mo. Mulena aku fuyole kakutala, muzwale ni kezeli, hamunze mu kutaza. Ni kwa balikani baka kaufela mwa Phoenix ni libaka ze shutana, bao ki . . . ni kuzwa koo kwa California.

<sup>4</sup> Mi Ni bata fela kubulela linzwi ka za tutengo. Ha Ni taha kwa sicaba sa Mapentekota, Na nili . . . ne ni na ni kutwisiso ya pentekota, kusina kuziba nekuna ni keleke ya Pentekota. Nenili waba Missionary Baptist nako yani. Ne ni amuhezi kolobezo ya Moya o Kenile, mi Na fumana kuli nekuna ni batu bene ba lumela lika zeswana ze ne Ni amuhezi. Mi ne ba i amuhezi myaha ye mashumi amane Ni si ka ifiwa kale. Kacwalo Ne ni li fela alimuñwi, Paulusi naize, Na lumela, kusina kubulela ni yena, kono ka mufuta wo “kuba fela sifolozwani” Kono haili . . . Mizwale yaka neibonahala ku nahana kuli ne Ni keluhile, kwa mafelelezo a buliba, sina mo lu li bizeza. Kono Na—Na neni ziba

kuli Ni amuhezi nto yeñwi. Mi kutwisiso yaka yaba fela sina yene banani kwani. Mi cwalo kona mo Ni latela.

<sup>5</sup> Mi, kono ha Ni taha mwahala bona, si—si siemba se si tomolisa pilu ka sona, Na fumana kuli ne ba ikabile fela, mwa likopano ze shutana shutana, sina keleke yahesu ya Baptist mo ne i inezi. Mi bona... Ne ni hupula kuli nekuna ni fela iliñwi yene bizwa Pentekota, mi yani neli yona inosi kihona. Kono, na to fumana kuli, nekuna ni likopano ze shutani shutani zabona. Kacwalo, Na... kaufela bona neli babande. Ni ziba baana babande nde bo ne Ni katani, fateni mwa bupilo bwaka, nebaliteni mwa likwata zani. Mi nebali—nebali cwalo, kakuli, likopano ze shutana. Mi muhupulo waka—waka neli kuli lube alimuñwi mwa pilu, ni Kreste, mi ha Ni si ka ikopanya kwa kopano ifi kaufela ya bona. Ne ni inzi fela mwahala bona, ni kulika kuswala mazoho amabeli kaufela, ni mazoho kaufela, ni kubulela kuli, "Lu mizwale." Ha luna... Lwakona kubona lika ka kushutana nyana ku mutu, yomuñwi ni yomuñwi. Kono, kwanda zeo kaufela, lu sa li mizwale, kakuli lu pepilwe ka Moya o swana. Luna lu lubasi lwa Mulimu.

<sup>6</sup> Mi cwale baana ba pisinisi ya Sikreste, Baana ba Pisinisi Yetezi ya Evangeli, katengo ka, Ne nili mwahala mikopano yapili ni Muzwale Shakarian. Ne ni mu ziba ku si kaba kale katengo ka, kamba katengo ne ka tomilwe. Na hupula kuli neli nto yende. Mi ibile munyako o kwaluhile ku na, ku zamayanga ni kwa linaha za kwande ni Baana ba Pisinisi Yeteze ya Evangeli.

<sup>7</sup> Koo, linako zeñwi, mufumana sikuwata sa bakutazi, fokuñwi, ba bana ni maikuto nyana a kulwanisa sikuwata sesiñwi, kakuli yomuñwi ubulezi nto yeñwi. Zeo ha ki kwa libaka kaufela, kono lu li fumana mwa libaka mo lupila. Mi sina, haiba keleke iliñwi ika tusa sesiñwi, yeñwi haina kuba ni sa kueza ni yona.

<sup>8</sup> Kono haili ku bona Baana ba Pisinisi ya Evangeli Yetezi, ibile munyako o kwaluhile ku na. Ha ba taha mwateni, kipeto Ni biza mizwale yaka kaufela hamoho, mi kipeto lwakona ku—ku swalisana; mwendi balisana bababeli bakona kuba ni maikuto, kamba nto yeñwi. Wo ubile munyako o kwaluhile omutuna, mi Ni zamaile kwa linaha za kwahule ka bona cwale hala lilimo, inge ni ambola kwa tutengo tengo.

<sup>9</sup> Mi Na... Yuma ha ki tolopo yetuna, ni ha Ni nahana kuli ki yetuna nyana kufita ko Ni zwelela, Jeffersonville, Indiana. Kono Ni katani muina sipula wamina kwanu. Ki... na li... ni baba shutana ba katengo ka mina. Mi Ni sepa kuli muna ni kolo yende kwanu.

<sup>10</sup> Ne ni sweli fela kunahana, busihu boo, hane Ni inzi fa inge ni talimela sicaba. Mwa ziba, lu kabe lu zwile mwa kolo ye cwanoñu fa. Katengo ka Likeleke za Lifasi kaka li mizeleza cwanoñu. Ni akaleza kuli buñata bwa sicaba sa hesu busihu boo ki ba Pentekota, ni ba Baptist, ni—ni ba Church of God, ni babali

kwande a Katengo ka Likeleke za Lifasi. Mi—mi bona, kona fela ze ne ba ezize, mi seo kona se ibulezi Bibebe kuli ba ka eza. Mi lu lemusizwe ka zeo, kacwalo ha lu ineñi ka swanelo kuzona. Mi kacwalo sina hane lisweli kuambola busihu boo ka zateni, mwa pina, za bukaufi bwa Kutaha kwa Mulena, ikona kuba fakaufi mane kufita mo lu nahanelu.

<sup>11</sup> Mi Ni nahana kuli fo ki ha lukona kutaha hamoho ka mufuta wa kopano yecwana, si eza nto yeñwi ku luna, se si lu bizeza bukaufi ni yomuñwi. Mi halunze lu atumela ku yomuñwi ni yomuñwi, luba hande bukaufi ni Mulimu, kakuli Jesu naize, “Ona mo mu ezelize ku babanyinyani ba Ka bao, mu ezize cwalo ku Na.”

<sup>12</sup> Nina ni mushimani yomunyinyani mo kokuñwi, Na sepa, Joseph. Nina ni Billy yainzi fa. Bana ba basizana bababeli kwa mulaho kwani, ni mufumahali. Cwale haiba mutu una ni sesiñwi sisili sa... ubata kueza sika sa luli, Na kona kutabela kuli muezeze seo kwa banake kufita ku li ezeza kuna. Mi kacwalo Ni ikutwa kuli mwendi, kakuba mushemi, mi ki Yena mukalisi wa bushemi, Ni sepa kuli cwalo kona Mulimu mwa ikutwelanga. Haiba luswanela kuba... Lwa Mu sebeleza hanze lu sebeleza yomuñwi. Cwalo kona mo lu sebeleza Mulimu.

<sup>13</sup> Ni kuziba kuli ye ki niti, mi Ni nahana kuli nako kaufela katengo ka ha ka kopana, bakeñisa kuli ka yemela li evangeli ze swalisan... Hakuna tuto isili fela yeba yemela Baana ba Pisinisi ya Evangelii Yetzezi. Ba yemela fela Evangelii yetezi. Mi haiba muuna aba ya shutana, zeo ki zende kaufela. Li lukile. Luna ni kutwano, nihakuli cwalo. Kacwalo Ni sepa kuli ikaba... Kambe ne Ni pila mwa muleneñi wo, Na lumela, katengo kani ha ka kopana, haiba ne ku kaba ni mukwa o bunolo kaufela, Ne ni kaba teni ni kutisa teñi batu kaufela bo ne Ni ka tisa kwatensi. Yeo ki niti, kakuli ki—ki nto ye lu tiisa hamoho.

<sup>14</sup> Ni pila mwa Tucson, mi Ni sweli kuambola kamita mwa katengo kani, ka nako kaufela. Mi mwa Phoenix, kuzwa fo Ni tutezi kwa Arizona, Ni banga kwa Phoenix nako kaufela ha Ni na ni kolo ya kuba kwahule sihulu kuya kwa—kwa Phoenix, kakuli... ni kulika kutaha ni mutu, ku mema mutu, kubiza bakutazi babañwi.

Ni kubulela kuli, “Kihande, kihande, mwa bona, Muzwale Branham, ha lu cwalo.”

<sup>15</sup> Ni li, “Hakuna taba kamba wena... Halu ye fela hamoho nina. Zamaya sina—sina mulikani, hamoho ni na.”

<sup>16</sup> Ni kuba isa fela kwani fa nako nyana. Kona fela ze mu lukela kueza. Mi ba fumana kuli, pilu ya mutu kaufela ina ni tala bakeñisa kutwano. Mi lu lukela kueza ona cwalo. Ki sisupo se situna sa nako ya maungulo. Mulimu afuyole katengo ka. Mi haka—mi haka be teñi kufitela Mulena Jesu ataha ku tolungela mwa Kanya, kona tapelo yaka.

<sup>17</sup> Cwale, Na hupula musipili waka wapili wa kufita mwa Yuma. Ne nili mwa mota ya Model-T Ford yene kona kuzamaya limaili ze mashumi amalalu ka zeketalizoho fa hola. Neni sweli kunahana hane Ni sweli kataha kacenu. Ni sa sepathala kwa Ford; Ni sa na ni iliñwi, mi ne ni sina yeñwi kwanda ona yani. Kono Na . . . Cwale, Ha ni lekisangi ma Ford. Cwale, yani ha ki nto ye comekilwe fela. Mwabona? Kono Na ihupula Ford yani . . . Buñata bwa mina mizwale litaka zaka mwa ihupula mota ya Model T ya kale yani. Mwani ne li ka silimo sa 1927. No na ni kutalimisisa hande kusi cwalo nosike wa fumana Yuma ha u fita. Neli o munyinyani hahulu, mi kaniti mu hulile. Kono, mo ne Ni zamaezi limaili ze mashumi amalalu ka hola ka Ford yaka, ne i zamaya ka limaili ze fifitini fa hola neku *le*, ni limaili ze fifiti neku *lani*. Kacwalo, ku libeya hamoho, Ne ni nani limaili ze mashumi amalalu fa hola, ni masulungundu aka kaufela ni zeñwi cwalo. Yuma se li yetuna.

<sup>18</sup> Yona Keleke ye kanya ye, yeo, lu—lu lwanela Tumelo yende yee.

<sup>19</sup> Ni itumezi, muzwale, kamba ki mañi kaufela ya ezize sani.

<sup>20</sup> I hulile, ni yona, mi luitumezi ka seo. Mulena ami fuyola kaufela.

<sup>21</sup> Lwa sepa, haiba nji muteni bukaufi, yeñwi ya mikopano yee . . . Ni na ni—ni katengo kwa Phoenix, kuli ni yo bulela, la Sunda yetaha le. Mi Sunda yetaha ki kwa Flagstaff. Mi la Mubulo leli tatama, la twenti-wani, ki mukiti kwa Tucson. Kaufela mina mu memilwe.

<sup>22</sup> Mi, haiba Mulena alata, Ni bata kubulela kwa Westward Ho Hotel mwa sibaka sa mbola, Na sepa. Ki busihu mañi bo bu kalisa zeo? [Yomuñwi uli, “Fani ki la Sunda musihali, la sebentini kwa kweli.”—Mu.] La Sunda musihali, la sebentini, ki sebelezo nyana fela ya bulumiwa. Nisepa kuli baopeli bateni, ka yona nako yeo, ku to lu tusa. Mi lukaba teni kuisa la Bulalalu. Ni sepa kuli ki musihali wa la Sunda. Mi lueza cwalo kakuli haluna ku lyanganisa neba litukiso zeñwi kaufela za likeleke. Mi, la Mubulo ni Labubeli, mi ni la Bulalu lu kaba kwa Ra— . . . kwani kwa West— . . . kwa Ramada Inn, Ramada Inn. Mi cwale Bune lu kalelakwa Westward Ho. Kana ki kona?

<sup>23</sup> [Muzwale uli, “Westward Ho, la Sunda, la Mubulo, la Bubeli. Mi luya kwa Ramada Inn, la Bulalu, mi lu yo ina kwani kufitela mukopano.”—Mu.] Mukopano ufelile, kwa Ramada Inn. Kacwalo lu ka tabela kuba ni mina ka nako ifi kaufela.

<sup>24</sup> Cwale, lu si ka apula kale mwa Buka ye, ha lu inamiseñi litoho za luna fa nako nyana ni kuambola ku Mukalisi.

<sup>25</sup> Cwale, ni litoho zaluna zeinamezi kwa liluli kona ko lu Mulimu alu zwisize, mi, haiba Jesu aliyeħa, lu lukela kukuta ka nzila yeo zazi leliñwi. Kuzwa fela fo Ni bezi kwanu, Nina

ni liñusa lelizwa kwa upa, leo kalibe nyana yo ne Ni ziba . . . Ki musizana yomunyinyani ya bizwa Edith Wright. U i lo kopano ni Mulimu, musihali wo, ka sili kiloko. Lu swanelia kufunduka kukuta. Haiba kuna ni yomukana mo ya tabela kuhupulwa mwa tapelo, nanula fela lizoho la hao ku Mulimu. Mulimu aku fuyole.

<sup>26</sup> Ndate yakwa Lihalimu, sina ha lu ikozi hahulu mwa kopano yende ye, ka kuopela, oh, mo li tabiselize pilu yaka ha Ni utwile pina yani, *Kana Joani Na Ni Boni Nji?* Ndate, Ni sepa kuli kaufela luna lukaba kwani, mañi ni mañi wa luna. Mi lu inami cwale kutalima liluli, mi lwa—lwa lapela kuli U amuhele mpo ya—ya buitumelo bwa luna, ni kubaka kwa luna, ni tapelo ya luna ku yomuñwi ni yomuñwi.

<sup>27</sup> Mi cwale lu sikuluhela kwa Linzwi la Hao, siemba se si kenile sa mukopano se si bonahala kuba se si kateleha hahulu kufita—kufita zeñwi kaufela, kakuli lu ziba ka nako ye kuli lusweli kuambola ni sicaba, ku ba eteleta kwa Niti, ku Kreste ni kwa Linzwi, ili yena Kreste. Mi lu lapela kuli Uka lu kwalulela Linzwi. Luna—luna lu taezwi, Mulena, kono Wena u kwanile mwa linto kamukana. Kacwalo Ni lapela kuli U fuyole kuikataza kwa luna ko ku nyinyani, mi ni kuli busihu bo lu ipumane ili luna ni sibaka sa luna mwa Linzwi la Mulimu. Lumeleza cwalo, Ndate. Mi lu ka Kufa milumbeko, kakuli lwa kupa ka Libizo la Jesu. Amen.

<sup>28</sup> Cwale, ye kinto yende luli ku ba mo. Nina ni zelikani nyana ze Ni ñozi zeo Ni tabela kuswanisisa teñi, ka mizuzu yelikani, kakuli ha Ni sepi kuli lu lumelelizwe ku buluka muyaho wo nako yetelele hahulu mwa manzibwana. Mi Na ni wa mufuta wo cwalo, nina, mwahala sicaba sa Mapentekota, Ni banga ya bunya, mwa ziba.

<sup>29</sup> Na hupula. Ni mi bulelezi, mwendi. Hane Ni boni pili mukutazi wa Pentekota, neli Rev. Robert Daugherty yazwa kwa St. Louis. Na kakanya haiba ufi wa mina mwa mu ziba. Muboni bupaki bwa musizana wa hae yomunyinyani mwa buka. Na li—na li . . . Na folisizwe kwa St. Vitus dance, mi ne ba mupalezwi. Mi cwalo kona mo ne Ni katanezi sicaba sa Mapentekota.

<sup>30</sup> Mi, se, Na yo muutwa inza kutaza, mi—mi, mawi, yena—yena nakona kukutaza. Mane na . . . Na sa libeleli sika. Mi na kutaza kufita afelelwa ki moyo, mane kipeto ufetuhu mubala kwa sifateho, mi mañwele a hae na ngubana hamoho, mane na bata kuwelafafasi fa bulilo. Mi kipeto wa buyela, nemukona ku mu utwa ha buyela muli kwa mafelelezo a tolopo kafoo, mane, ki yo wa kuta inza yetela ni kukuta kataata. Mi na hupula kuli, “Mawi, Ha—Ha ni koni fela kunahana ka zona kapili.”

<sup>31</sup> Ni lukela fela kunga nako yaka ni ikete. Na ni mutu ya bunya cwalo, mi niya ni supala, hape, mwa ziba, ninze ni pañata cwalo, kona kuli Na sepa mu ka ni utwisisa fa mizuzu yelikani fela.

<sup>32</sup> Kuna ni nto iliñwi kaniti, ye Ni ziba kuli haina kupalelwa, mi yeo ki Linzwi la Hae. “Lihalimu ni lifasi li ka fela, kono Linzwi la Hae halina ku fela.” Kacwalo ha lu apulen i cwale, haiba muna ni Bibele ya mina, mi mutabela kubala ku Yona, mwa Buka ya Isaya, kauhanyo ya 53 ku Isaya. Ni tabela fela kubala se fa ili kuyaha, kunga palo ya kuyaha tuto fateni, fa nako nyana.

*Ki mañi ya lumezi se lu bulela? . . . Mi lizoho la MULENA  
li bonahalezi ku mañi?*

*A hula fapila hae mo ku melela lihula le li nyinyani,  
sina mubisi o tuhezi mwa mubu o omile: na sa bonahali  
ku kateleha kamba ku kutekeha; mi ha lu ka mubona,  
hakuna bunde bo lu lukela ku lakaza ku yena.*

*U nyazizwe mi u hanilwe ki batu; mutu wa matuku, . . .  
ya twaezi maswabi: sina mutu yo batu ba saba  
kutalimana pata ni yena; a kendwa mi ha lu si ka hupula  
sesiñwi ka yena.*

*Kaniti u lwezi manyando a luna, ni kulwala maswabi  
a luna: kono luna ne lu mu hupula kuli ki ya mu natilwe,  
ya utwisizwe butuku ki Mulimu, ya swabisizwe.*

*Kono na holofalezi bumaswe bwa luna, sa na titikezwi  
ki libi za luna: koto ye lu fumani kozo ka yona iwezi yena  
fahalimu; . . . mi ha lu fiolisizwe ki ka miupa ya hae.*

*Kaufela luna ne latehile sina lingu; lwa icambaelela  
mutu ni mutu ka nzila ya hae; mi MULENA . . . u  
mulwalisize bumaswe bwa luna kaufela fahalimwa hae.*

*A eziwa maswe inza itiisize, mi ha si ka mumutula  
mulomo wa hae: aswana sina ngunyana ye iswa kwa  
silaha, ni sina ngu yesina se bulela fa pila bakuti ba  
yona, . . . e ha si ka atamisa mulomo.*

*A zwiswa ki kunyandiswa ni ku atulwa ki batu: mi  
kwa batu ba linako za hae ki mañi ya lemuhile kuli? ha  
kauzwi kwa lifasi la baba pila: ni ha natilwe . . . koto ne  
li kabakala libi za sicaba sa ka.*

*Mi ne ba beile libita la hae ni ba bamaswe, kono mwa  
lifu la hae aba ni bafumi; kakuli hakuna bumaswe bwa  
ezize, mane nihaiba bupumi ha bu si ka fumanwa mwa  
mulomo wa hae.*

*Kono MULENA ulatile ku mu loba; ni ku mu kenya mwa  
butata: kono ha tobohile moywa wa hae, kueza sitabelo  
sa tifo ya libi, kihona uka bona lusika uka ekeza kwa  
mazazi a hae, mi musebezi wa MULENA uka kondiswa  
mwa mazoho a hae.*

*Kabakala butata bwa na—Na kenyize moywa wa hae  
kubona, uka bona ze mukolisa: mwa kutalifa kwa hae*

*mutanga wa ka ya lukile uka bonahalisa batu babañata  
ku luka; mi ki yena ya ka lwala bumaswe bwa bona.*

*Kabakaleo Ni ka mufa situlo ni ba bahulu, a i kabele  
ni bahali ze hapilwe; kakuli uitobohile . . . moyo wa hae  
mane kwa lifu: mi u balilwe ni lisinyi; kakuli ulwezi libi  
za babañata, mi u lapelela baezalibi.*

<sup>33</sup> Ni tabela fela kubulela cwana, fa palo nyana fela. Ni tabela kunga tuto kuzwa fani, yakuli: *Siemba Sabutokwa Se Si Zibahalizwe Sa Mulimu*.

<sup>34</sup> Cwale, ye ikona kuba—kuba—kuba palo yeipitezi luli ya kubala, kuli lungé siemba sabutokwa. Kono ha lu italima, ka mo lukona kunahanelia, ikona kuba sika sesiñwi kaufela kwanda siemba sa butokwa, kakuli ii ze, “Lwa talimisa lipata zaluna kusili isi ku Yena, mi nekusina bunde kuli lu Mu lakaze ka bona.” Mi linako zeñata, se ne lu ka bisa kuli siemba sabutokwa, kanti ki seo Mulimu na si ke kuba ni sa kueza ni sona. Kakuli, butali bwa mutu ki butanya ku Mulimu, kono bukuba bwa Mulimu bu talifile hahulu kufita butali kaufela bwa mutu.

<sup>35</sup> Mi lubona mwahali mo, kuli Mulimu ulufile siswaniso sa nto yeñwi. Ni tabela kulika kutisa siswaniso se fapila luna, sina ha Ni lemuha kuli ye ikona kuba nako ya mafelelezo yeo babañwi ba luna lu ka kopana hamoho. Hakulata haluna kubonana hape sina mo lubezi cwale. Kabakaleo, haiba lu kopanezi ka mulelo woo, isiñi ku bonahala kamba ku utwiwa . . .

<sup>36</sup> Kono lubile ni kopano yaluna ni mutu ni mutu sina ha lu ikabezi sico se busihu cwana, fa tafulé, sina ha ne lu fepa mibili yaluna ya nama, mi cwale lu tabela kuli Mulimu afepe mioya ya luna ka Manna ya Hae ye patilwe. Konji fela bona baprisita baba keni mwa sibaka sesi Kenihile hahulu kufitisisa kona baba lumelelizwe kuca kwa Sico sa Hae.

<sup>37</sup> Mi haiba lu tokomezi hande, busihu bo, matunula—matunula a luna, Ha ni sepi kuli Ni kile naba fateni ni—ni mukito o cwalo, mwa libaka kaufela ze Ni kile na ba ni mikopano, sina busihu boo, bo Ni bile ni siemba sesinde sa manama mo ba lu kapwekezi ona matunula ani busihu boo. Cwale, mwa bona, kakuli ne luna ni kuba ni se; haiba lwa pila, sesiñwi ne si na ni kushwa kuli lukone kuikola nako yende ya kutwano ye, mi hape ni kuikutwa hande mwa bupilo bwa luna.

<sup>38</sup> Ne ni sweli kuambola ni muuna yapila fela miloho, ha ki kale hahulu, mi ki hali kuna, “Kihande, Ha—Ha ni lumelelani ni wena.” Kihande, na—na ni file liñolo, na bata ku kopana ni na kwa mukunda. Mi ki hali, “Muzwale Branham, Na ka nako kaufela ni ku talima kuba muuna ya kenile.” Ki hali, “Kono ha Ni ku utwile ubulela kuli no bile in liñende ni mai kuba mukushuko wa hao kakusasa,” ali, “sani—sani sa ni komokisa.”

<sup>39</sup> Kihande, seo, Ha ni koni kubeya sitataliso mwa nzila ya hae. Cwale, cwalo kona mwa lumeleza. Kono se Nili, "Kihande, sha, haiba ha Ni sa ci, Hani na kupila."

<sup>40</sup> Ki hali, "Kono, wa bona, ne u cile kulube, ni—ni kubulaya kuhu."

<sup>41</sup> Se nili, "Muñaka, lupila fela ka lika ze shwile. Hanina taba kamba uca sikamañi. Wena u ca miloho. Wa ca. U ca sinkwa, buloto nebuna ni kushwa. Haiba uca mbonyi, mbonyi neina ni kushwa. Haiba u ca manawa, manawa na shwile."

<sup>42</sup> Kaufela so ca, ukona fela kupila ka butu kakuli sesiñwi si shwile kuli upile. Cwale, kaufela so eza, neba kunwa mabisi, kokwani, kaufela, u swanela kupila ka sesiñwi se si shwile. Mi si bonisa fela, haiba luna ni kupila bupilo bwa nama boo, mi likona fela kueza cwalo ka lika ze shwile, kuna ni sene si na ni kushwa kuli lupile Kuyakuile. Yani neli Jesu Kreste, yo Mulimu na lu file kuba tifo ya lifoso.

<sup>43</sup> Mi cwale, hane Ni kopani pili ni sicaba sa Pentekota, Na—Na ya kwa California, ki tolopo fela yeli bukaufi kwetu, fabuse bwa nuka. Mi ne Nili kwa Los Angeles. Ne ni sa pili mwa mazazi a mukutazi ya zibahala hahulu wa musali, musala Bo. Semple... Aimee Semple McPherson. Na kopana ni mwana hae wa mushimani, Rolf, Mukreste yomunde wa mucaha, mi ni—ni mufumahali wa hae ni lubasi lwa hae. Bani kaniti ki batu babande, ni Dr. Teeford ni babañata ba sicaba kwani kwa Angelus Temple. Mi Na kutaza za Tukuluho ya Pentekota, lilimo ze mashumi aketalizoho za Jubile kwani, lilimo nyana kwa mulaho, mi luli ne li bile ni nako yende.

<sup>44</sup> Kona kuli ka kukuteka musali yo yana beile mutomo wa kuba mutala sina mwa na ezelize, ka kulika ka bukwala bwa hae, ni ku—ku zibahaza sene sili mwa pilu ya hae, Na yo mupotela ku yo fita ni kwa libita la hae kwani kwa Forest Lawn. Mi hane Ni yemi fani ni tubuzi kuwanu yaka, mi—mi na inamisa toho ni kufa buitumelo ku Mulimu ka bupilo bo bu ishuwile bwa kalibe nyana yani, Mi na buziwa ki sikwata sani sene Nili ni sona, sikwata sa bakutazi, haiba ne Ni ka ya fa musipili kwa... kuyopunya kwani kwa Forest Lawn. Mi mwahali a mochari mwani, kamba kaufela mo mukona ku si bizeza, Ne ni sweli kutilima fa bukabali bo bu shutana, ni kubona Mulalelo wa Mulena, ni kuina. Buñata bwa mina mu lemuhibile cwalo, ha ba tukisa maseli mwateri, Mulaleo wa Mafelelezo, ni kuutwa likande lateni.

<sup>45</sup> Kono iliñwi ya lika zende hahulu ze ne Ni boni kwani, neli fani ha u kena fa munyako, Na lumela ikona kuba kwa neku la upa. Neku na ni—ni sibupeho sa Mushe sene sili kwani, sene sili musebezi wa bupilo bwa Michelangelo, Na lumela neli cwalo, muezi wa sona... Mwendu na shutanisa libizo la hae, Na sepa ki yena, Michelangelo, yana—yana... mubeti yomutuna yana bupile se, kamba, siswaniso sa Mushe. Mi ha

na sweli kutoloka litaba zateni, mu—mu muzamaisi nasweli ku lu bonisa zona mwahali, mi a bulela kuli sani neli silisiñwi sa misebezi ya bukwala bwa hae yana ezize Michelangelo haisali. Mi abulela kuli ne si tandile nako yeñata ya bupilo bwa hae, musebezi o tata.

<sup>46</sup> Mi Na lemuha, Ni lumela kuli neli cwalo, fa liñwele la silyo. Siswaniso ne si bonahala kupetahala, bunolo, sa Mushe ni litapa la milao mwa lizoho la hae, ni mulelu wa hae o mutelele. Mi neli kuli, eni sha, ngana ya Michelangelo, kuya ka munahano wa hae neli Mushe ya kwanile mwa na lukela bonahalela. Mwendi ali kuba abone fateni siswaniso, kono, ka ngana ya hae fela, a swanisa sa na hupula kuli neli sesinde luli ka mwa na lukela kubonahalela Mushe.

<sup>47</sup> Mi likande la zwelapili, nako ya na felize sibupiwa sa—sa hae, ni ku si pukuta handende kaufela ka swanelo, mi ayema fahule nyana kubuha musebezi wa hae. Mi hana bile ya susumelizwe hahulu, kufitela si bonahala hahulu... Ni sana nani mwa munahano wa hae, sa na ezize ka lizoho la hae. Ne si bonahalile hahulu inge sona, mi myaha kaufela na sweli kulibeleta fateni, kufitela a ngiwa hahulu ka susumezo, a si nata fa liñwele ni kuhuwa ali, “Bulela!” Mi kuna ni sibaka se si ketuhile fa—fa—fa lihutu, liñwele la Mushe, fo Michelangelo na natile ka sando ya hae, kakuli na susumelizwe hahulu.

<sup>48</sup> Mwabona, nekuna ni sesiñwi mwahala hae, kwa simuluhoh, kuli na bile ni siswaniso sa mwa toho sa na bile ni sona ka mwa na hupulela Mushe kuli akona kuba cwalo. Mi ha na boni sani si bonahala fapila hae, yona taba luli yana nani mwa munahano wa hae, mwa na hupulela kuli Mushe kona mwa na ka bonahalela; mi aba ni pono yani ka myaha kaufela ni myaha yani, ha na ngile siemba nyana sa licwe sani, ni ku ketula siemba fa ni siemba fani, ni ku si riolafafasi, kakuli ne si na ni kutaha ka swanelo. Mi hane si petahalile fa pila hae, na—na a bona mubonahalelo wa sene sili mwa munahano wa hae. Kona sene si mu susuelize hahulu cwalo, kuli anate siswaniso, ni kuhuwa kuli, “Bulela!” Mazazi a hae kaufela kuikataza na sa felile. Musebezi wa hae omutuna wa mazoho no so felile.

<sup>49</sup> Cwale lwa bona seo, mi Ni—Ni susumelizwe ka sona, kakuli Ne ni nahana kuli, luli, sibali fa lihutu, kona sene si si ezize, luli, ka mo ni bonela na kona fo si bezi butokwa. Kakuli, fela, kambe neli fela mubonahalelo usili, kamba nto yeñwi ya Mushe, siswaniso cwalo sa na bile ni sona muuna mwa munahano fela. Kono, muuna yana eza musebezi, a ikutwa kulikana kuli mane a si nata. Mi liñiba ku sona kona le li si eza kuba siemba sa butokwa ku na, kakuli ne si bonahalisa sene sili mwa munahano wa hae kuli Mushe na lukela ku bonahala cwalo.

<sup>50</sup> Oh, Na yema fani. Neni na ni kuya fahule ka mizuzu nyana, kunahana sani mo—mo ne si taluseza ku yena, ni—ni sene si

taluswa ku na ka nako yani. Mi se si taha mwa muhupulo waka, ka se se Ni bata kubulela ku mina ka sona.

<sup>51</sup> Halu zwiseñi cwale milelo yaluna ku Michelangelo, itahe ku Mubeti yomutuna, Mulimu Yamata kaufela, Yo, kwa simuluho, ku si kaba kale lizazi kamba kupazula kwa lizazi, ku si kaba kale katowati kamba kaka kaufela, Mulimu, mwa munahano wa Hae, nana ni mutu, mutu mwa na lukela kubonahalela, mwa na lukela kubela, ni mwa na lukela kuezeza. Mi Na bata kuli mutu yani abe siemba sa Hae, "Kacwalo A eza mutu mwa siswaniso sa Hae, mi ni mwa kuswana kwa Mulimu A bupa mutu cwalo," oh, fani Mulimu, kwa simuluho, hana ezize siemba sabutokwa se, sika sene si bonahalisa milelo ya Hae.

<sup>52</sup> Muhupule, kuna ni fela mufuta ulimuñwi wa Bupilo Bobusafeli, mi za luna...mane nihaiba mabizo a luna ni mihupulo ya luna neili ku Mulimu kusikaba kale mutomo wa lifasi. Kakuli cwale lu luwile Bupilo Bobusafeli. Mi ka kuba cwalo, luna ni kuba siemba sa Mulimu. Kacwalo lu lukela kuba hahulu mwa mihupulo ya Hae, kakuli luna ni Bupilo Bobusafeli, mi lu lemuhilwe kale kwa bupilo boo. "Mi mabizo a luna na ñozwi mwa Buka ya Bupilo ya Ngunnyana ku si kaba kale mutomo wa lifasi," kuya ka Sinulo. Cwale, kuli Mulimu nana ni luna mwa munahano wa Hae, kona kuli luna ni Bupilo Bobusafeli, kakuli nako yeo kanti Na bulezi za luna, mi se lubateñi. Mi linzwi ki muhupulo fela o bonahalile. Mulimu na lu nahanile, kwa simuluho, mwa minahano ya Hae.

<sup>53</sup> Cwale, mi ha Na ezize Adama, mutu wa pili yani, mo ne kubezi ka kupetahala. Na bonahala sina Mulimu. Mulimu, ona Moya o Kenile omutuna, wa bubama fa lifasi, mi Yena... linyunywani za taha, mwendi, ni lifolofolo, lika ze shutana, ni kuzwelapili kutaha mwa mufuta wa Yena yana bubami. Kufitela, mafelelezo, kwa taha sibupiwa se si swana sina Yena yana bubami yani, Mulimu. Mulimu nali cwalo, kamba, mutu na bupilwe mwa siswaniso sa Mulimu. Mi, ha Na mu beile mwa simu tuna ye, sina Michelangelo mwa beezi musebezi wa bupilo bwa hae omutuna, ni bapangi kaufela ba maswaniso kaufela, Mulimu a beya musebezi wa Hae wa mazoho mwa Edeni, ni ku mu ezeza mutusi. Ne si ku—ku—ku katelela ni koo Mulimu mwa na ikutwezi, kufitela mane A pumula. Ne li fela kupumula. Musebezi wa Hae no felile.

Mi kutaha likande le li tomola pilu, la sila.

<sup>54</sup> Cwale mulemuhe. Nto iliñwi ye Ni bata kuli mu ihupulange, yeo Mulimu na file mutu yo silelezo. A mu fa...A mu fa kutiya kwanda Linzwi la Hae, kakuli Na ba bulelezi se ne ba ka eza, sene ba sa lukeli kueza.

<sup>55</sup> Mi ao kona mayemo aswana fo lu tomile ni kacenu, se lukona kueza, se lu sa koni kueza. Hakuna taba kamba lu ba bande

cwani, kamba luya hakai kwa keleke, kamba kueza *se*, luna ni kupepwa sinca. Mwabona? Lina ni kuba cwalo.

<sup>56</sup> Mi Mulimu abulelela Adama sa na ka eza ni sa na si ke kueza. A mu beya kwa mulaho wa Linzwi la Hae.

<sup>57</sup> Mi cwale sila sa taha, ka bupumi, ni ku ku kena ka mamota a Linzwi la Mulimu, kakuli sikwalo ne si kwaluhezi ku yena, mi a sinyasinya siswaniso sani, kwa sibi. Yeo ki iliñwi ya makande a utwisa bumaswe.

<sup>58</sup> Ka kunahana, kuli mutu yana bupilwe mwa siswaniso sa Mubupi wa hae, mi ki ya na filwe limota la kuyema kwa mulaho, kuli Linzwi lani ne li si ke kupalelwa. Yeo—yeo kona sepo ya Mukreste. Kona tebe ya—ya hae. Ki lilwaniso za hae. Ki licwe la hae kacenu, ki, kuina kwa mulaho wa Linzwi; mulumeli kaufela.

<sup>59</sup> Cwale, ha mu lukeli kuzwa kwa mulaho wa Sani. Ha mu eza cwalo, mina, musweli ku kwalulela sila munyako, ha ba li, “Oh, kihande, wakona kueza ze nyinyani za *se*, ni zenyinyani za *sani*.” Mulimu ubata kuli u kauhane kuzwa kwa lika kaufela ze bizwa sibi. Ka kufelelela ube fela wa Hae, ni kuba wa Hae fela.

<sup>60</sup> Una ni mulelo mwa bupilo bwa hao, mutu kaufela, kuli hakuna mutu usili fa lifasi yakona kunga sibaka sa hao. Mulimu una ni sesiñwi sa hao. U bupilwe ona cwalo. No ezizwe ka nzila yeo ka mulelo. Mulimu u icemezi mwa musebezi wa Hae. Yena mane . . . Lika za shutana. Lwa shutana, yomuñwi ni yomuñwi.

<sup>61</sup> Lu lemuha mwa bupilo bwa folofolo. Lu fumana kuli, mwa bupilo bwa lifolofolo, kuna ni folofolo iliñwi, Mulimu na bupile sibatana sa milwalo, sina pizi, mi—mi ina ni kubeleka. Mi komu ki sitabelo. Mi, kono, haili—haili tau ni liñau lina ni kuzuma mwa mishitu kusina kuikataza kamba kunyanda. U ezize folofolo yetuna sina tou, mi ni kueza kakañwi kakanyinyani sina peba. Cwale, kimañi ya ka nyamatala kubulelala Mulimu sa kueza ni mwa ku si ezeza? U si eza ka nzila ya Hae Fela Luli.

<sup>62</sup> Mi U eza ni malundu. U eza mahalaupa. U eza ni—ni mawate. U eza ni mabala. U eza kota ya mufuta o muñwi, kota yetiile, nzalu, ni—ni zeñwi ze cwalo. U eza ona cwalo.

<sup>63</sup> Ueza batu ka kushutana. U lufa, mañi ni mañi, sibaka se si shutana. Mi kota ya nzalu haikoni kuba ya mubula. Kota ya mubula haikoni kuba ya nzalu. Hakuna mutu yakona kunga sibaka sa hao, mi ha u lukeli kulika kunga sibaka sa mutu. Kakuli, u mutu unosi, ku Mulimu, mi Mulimu una ni mulelo wa hao. U ku ezize cwalo. Mu li, “Kiñi ha Na ezize cwalo?” U icemezi. Una ni libaka zeo ha lili cwalo.

Kono lu fumana kuli kaufela luna lu silelelizwe ka Linzwi.

<sup>64</sup> Mwa lihalimu, lu talima fa mibili ya bungeloi. Bibebe ibulela kuli nihaiba zona naleli za shutana ku yeñwi ni yeñwi. Kuna ni bo Siriusi ni zeñwi ze shutana. Ni Mars ni Jupiter, zani ze shutana kaufela, za shutana ku yeñwi ni yeñwi. Lizazi la

shutana kwa kweli, ni kweli zwa mwa linaleli. Mi kuna ni Mangeloi, a cwale ka bo, Serafimi ni Likerubimi, ni Mangelo ni Mangeloi amatuna, mwa—mwa likalulo za ona. Mi nihaiba mwa lifasi lelinca le litaha, malena ba lifasi batisa likute la bona mwa munzi.

<sup>65</sup> Lukana luba cwalo kamita. Kakuli, Mulimu ha ki bo Sears ni Roebuck Harmony House. Yena ki Mulimu wa zeñata. U eza alimuñwi ka nzila iliñwi, ni yomuñwi ka nzila yeñwi. Kono lu lukela ku Mu sebeleza ka nzila yeo Mulimu alu ezize, ni kuba baba tibile, ni kuina kwa mulaho wa Linzwi la Hae. Mi cwalo kona mwa na ezelize Mulimu.

<sup>66</sup> Kono cwale ha lu fumana kuli sila utule ka kukena mwa Linzwi lani, ku se, musebezi wa mazoho a Mulimu, a u sinyasinya. Mi ona zeo kona za sweli kueza cwale. Usweli ku icocomeza mwa musebezi o ezizwe wani, yo ki sila, kulika ku lueza kuba Katengo ka Likeleke za Lifasi. Mi mutu unani... Kiñi, mutu mane hakoni ku lu melelana ni yomuñwi, kanti luka eza cwani kuli lifasi loote li lu melelana ni mutu alimuñwi? Mi mu sa eza fela cwalo...

<sup>67</sup> Luna ni Alimuñwi yeluna ni kuba mwa kutwano ni yena, yani ki Mulimu. "Mi kwa simuluho nekuna ni Linzwi, mi Linzwi nali ku Mulimu, mi Linzwi neli Mulimu." Mi Linzwi li siyala lili Mulimu, mi kamita likana liba Mulimu, kakuli Mulimu ki Linzwi. "Mi Linzwi la ezwa nama mi la to yaha ku luna," ku Mutu wa Mwana Mulimu.

<sup>68</sup> Cwale lu fumana cwana, kuli, Amano fumana sisinyi se, ne ku bonahala inge kuli, neli wena ni Na, mi ne lu ka beya nako yani kaufela ni kuikataza, ne lu ka lahaka lika kaufela ni ku li tuhela fela liikele, kono, isiñi Mulimu, Na sa lati kutuheleta musebezi wa Hae kusinyeha. Leo kona lilato la Mulimu. Ki kabakaleo muloki naize kuli:

Kikuli ne lu ka taza liwate ka enge,  
Mi mahalimu kambe ki pampili fa kuñola;  
Mi simela kaufela fa lifasi ibe siñoliso,  
Mane mutu kaufela abe muñoli kuya ka tuto;  
Kuñola lilato la Mulimu mwa mbyumbiyulu  
Ne li ka kalisa liwate kuomelela;  
Kamba nihaiba matapa kuli akone kukwanisa  
kaufela,  
Ni ha ne lika putululwa kuzwa lihalimu kuisa  
kwa lihalimu leliñwi.

<sup>69</sup> Mwabona lilato la Mulimu! Kasamulaho mutu amano wa mi ka boomu a kwalulela sila munyako, ni kukena a to mu sinya, ni ku kenya lifu ku yena, niteñi Mulimu na sa lati kuli se si komiwe. Atuluka ni ku kalisa sincá hape. Nana ni kueza mutu yani hape.

<sup>70</sup> A beya Adama mwa bulikani, "Eza se, mi isiñi se; se, mi isiñi sani; usike wa swala, u si swali, u si lwazi."

<sup>71</sup> Kono lu fumana kuli, ha Na kalile hape, Akala ni—ni Abrahama. Mi ku Abrahama, A mu kalisa ka bulikani bo bu sina litamo. Isiñi “haiba u lata.” “Ni ezize kale zeo. Ni li ezize kale. Ni ku fuyozi, wena ni peu ya hao, ni zeñwi cwalo, mwa mulaho wa hao.” Neli buitamo bobusina milao. A kalisa ni Abrahama, musebezi wa Hae hape, kono cwale neli bulikani bwa Hae bobusina litamo. Mi, ha lu lemuha, Na tomile ku Abrahama ni ku mufa bulikani, kusina litamo, ni sepiso.

<sup>72</sup> Mi ki Ha ta taha kwa bashemi, lwa taha ku zeo, mwa Testamente ya Kale, halunze lu shetumuka fasasi. Fa U bonahalize mutomo wa musebezi wa Hae. Cwale luna ni Abrahama, Isaka, Jakobo, Josefa; mapatriareka babane.

<sup>73</sup> Cwale, Abrahama na yemela tumelo ye sebeza, tumelo, kakuli Abrahama nali tumelo. Nana ni tumelo yetuna, kakuli, “Na si ka sitatala fa sepiso ya Mulimu, ka ku sa lumela.” Mi, hane lu kali, “liemba li mwatasi,” ni lika kaufela ze mu lwanisa, na sa kumalezi ku Mulimu.

<sup>74</sup> Ha luna ni Isaka, yanali mwana ya latwa, yana yemela lilato, kakuli, Abrahama kakuba mufuta wa Mulimu, sina Isaka hana filwe, Genese 22, lu fumana cwana kuli na lwezi likota kuisa fahalimwa lilundu, mi lika kaufela ne li yemela Kreste, ne li supa muluti wa Hae. Mi cwale totolo ya taha mi ya to talekwa mwa sibaka sa hae.

Cwale yani neli tumelo, lilato.

<sup>75</sup> Mi Jakobo, ili kutalusa kuli “kuluku,” mi yani ki mupumi. Mi lu lemuha kuli bupilo bwa Jakobo ne bu yemela muhau, kakuli neli muhau wa Mulimu, ka nako kaufela, ku Jakobo.

<sup>76</sup> Mi se kutaha Josefa. Hakuna ze nyazahala ku Josefa. Na li ya petehile. Mupolofita wa Mulimu yana tile mwahala bana bahabo. Mi a toiya, kusina mulatu, mi a lekiswa. Mi mwa mikwa kaufela, bupilo bwa hae ne bu bonahalisa bupilo bwa Jesu Kreste. “A taha ku ba Hae tota, ba Hae neba si ka Mu amuhela.” Sina Josefa ha na toeziwi ki bana bahabo, ku nepelwa mwa musima, na lukela kushwa; a zwiswa, a pahamiswa kwa lizoho la bulyo la Faro. Mi ha na zwa fa lubona, ne ba liza tolombita, mwa ziba, kuli liñwele kaufela ne li na ni ku kubama, ni ku Josefa.

<sup>77</sup> Lu fumana kuli Jesu mane na lekisizwe ni mali abato likana a na lekisizwe ka ona Josefa. A zwiswa mwa—mwa musima; ni kukambambela kwa Lihalimu; u i lo ina kwa lizoho la bulyo la Mulimu. Mi cwale Ha taha kuzwa mwa Sibaka sani, “Tolombita ika lila, mi liñwele kaufela lika kubama, mi lulimi kaufela luka Mu bulela,” ya petehile.

Yani neli tumelo, lilato, muhau, ni kupetahala.

<sup>78</sup> Mi musebezi wa mubili wa tatama, wa yena mubezi yoo. A eza kuli mubili ubeleke ni bapolofita. Bapolofita neli mubili o beleka.

<sup>79</sup> Mi mafelelezo kwa taha toho ya mubili tuna wo, yanali yena Kreste Kasibili. Bapolofita kaufela ne ba bulezi kale ka Yena. Mutomo kaufela no bulezi kale za Hae. Ku kalela koo kwa simu ya Edeni, kuzwa ka nako luli ya Na kalile, “Ni ka beya toyano mwahala peu ya hao ni peu ya noha.” Mi lu fumana cwana kuli A kaliseza ona fani, ma—ma patriareka kutaha mwa bapolofita, ni kutaha cwalo. Hape ki yo A bona sibupeho sa Hae luli, mi mutu nako ya na pepwa mwa lifasi, kuzwa mwa mba ya musali, sani neli Siemba sa butokwa sa Mulimu. Neli Mwana Mulimu, Jesu Kreste. Libaka la Na bezi yena, kakuli Na li fela hande ka swanelo ni Linzwi.

<sup>80</sup> “Kwa simulaho nekuna ni Linzwi, mi Linzwi nali ku Mulimu, mi Linzwi neli Mulimu. Mi Linzwi a ezwa nama mi a to yaha ku luna.”

<sup>81</sup> Cwale lubona ha li bonahala ku Yena mwa siemba sabutokwa se si petehile. Nali ya petehile hahulu, sina Mulimu, kufitela ha Na ize, “Haiba ha Ni ezi misebezi Ya Ndate, musike mwa Ni lumela. Nihaiba Musa... Ni lumeli Na? Mu lumele misebezi, kakuli ya mi pakela, Yo Nili yena.” Na lata cwalo. Mwabona? Na ize, “Haiba ha mu Ni lumeli...”

Se bali, “Wena u Mutu, u Ikeze ya likana ni Mulimu.”

<sup>82</sup> Ki hali, “Ha mu sa Ni lumeli, mu lumele misebezi ye Ni eza. Mi haiba Ni sa ezi misebezi ya Hae yena ya Ni lumile, kona kuli hamuna tukelo ya ku Ni lumela.”

<sup>83</sup> Konakuli Mukreste kaufela, kacenu, uswanela kuba ni bupaki bo bu swana boo. Haiba mwa Linzwi leli sepisizwe la Mulimu le, haiba bupilo bwa luna ha bu zamaeleti ni ku kopana handende ka se li bulezi Linzwi, konakuli haluna tukelo ya kuipiza kuli lu Bakreste haiba ha lu si ka pepwa sinca. Jesu naize, mwa Mareka 16, “Lisupo ze li ka latelela baba lumela.” Mwabona? Isiñi kuli “hakulatya mwendi; liswanela kuba cwalo; kaniti li ka latelela.” Li ka ba cwalo. Yani ki yena Muezi ya lu ezize. Yeo kona Keleke ye kumuzwi. Wani kona—wani kona Mubili wa Kreste.

<sup>84</sup> Cwale lu fumana kuli ne li bonahalisa Yena ka kupetahala. Mubeti cwale nana ni Linzwi lene li bonahalile mwa Siemba sabutokwa hape, se si bizwa kuli Mwana Hae, Mulimu, Emanuele. Munahane fela, kuli, mutu ya ipile hahulu kufitela Mulimu a itibahaza ili Yena mwahali mwani, mwa mubili wani, mi Aba... Yena ni Mulimu baba alimuñwi. “Na ni Ndate lu nto Iliñwi. Ndate u pila ku Na. Ni eza kamita ze tabisanga Ndate.”

<sup>85</sup> Kucwani kambe Mukreste kacenu na kaba ni bupaki bo bu cwalo? Ne mukaba siemba sabutokwa ona mwa Yuma mo, fa

mukwakwa. Haiba u musali ya tapisa fela mwa sikotolo, ni teñi no kaba siemba sa butokwa ku Mulimu, ha ukona kubulela kuli, “Ni ezanga kamita ze tabisanga Mulimu,” mi lifasi kaufela la kona kubona ona—ona musebezi wa Jesu Kreste ha u bonahala ku wena.

<sup>86</sup> Ku bulezwi, nako yeñwi, gauda ya kale, ba si ka ba kale ni mishini ye shengununa. Bona . . . Ne ba itusanga kunga gauda ni ku i nata, mane munati wayona, ma Indian mwa mazazi a kale fani Arizona inge isali fela yenyinyani. Ne ba nata gauda kufitela munati a bone sifateho sa hae mwa gauda. Ne ba nata kwateni butale bwa pyrite kaufela, musili, masila, ku a zwisa kwateni, kufitela munati a bona sifateho sa hae mwa siiponi, inza nata cwalo.

<sup>87</sup> Cwale, kona mo i ezeza Evangelí cwalo. Kacwalo batu babañata ha ba tabelangi ku fetulwa ni kunatiwa. Kihande, se i tokwa keleke kacenu busihu ki nto yende, ya mufuta wa kale, Ya Moya o Kenile unzo nataka, kuzwa mwa lifasi ni lika za lifasi. Sani kona se i tokwa Pentekota busihu bwa kacenu. Kona se litokwa likopano zaluna busihu boo, ki mufuta omunde, wa kale o ipitezi, munatelo wa gauda unzo pikuluha, kufitela lifasi kaufela li natiwa ku luna, mane Jesu Kreste a bonahale.

<sup>88</sup> Nibe ni sicaba nyana se busihu cwana, se si ipile luli ku Kreste, ni bupilo bwa bona bu neezwi ku Kreste. Ni kona kueza zetuna ni sicaba nyana se, kamba Mulimu ukona kueza zetuna ni bona, nitaluse, bona batu babalikani ba mo, kufita mo mu kona kuezeza ni Katengo kaufela la Likeleke za Lifasi, ku za Mubuso wa Mulimu. Muuna alimuñwi ya ipile mwa mazoho a Hae ka kutala, kona fela za tokwa Mulimu.

<sup>89</sup> Kono, mwa bona, ha lu itakalezangi kubeya likafafasi ni ku Mu lumeleza kunata neku *le*, neku *lani*, kuzwisa *se* kwateni, kuzwisa *sani* kwateni, kuzwisa mulelo *wo* kwateni, ni *wani*, ni ku lumeleza Jesu Kreste kuli abonahale ku luna. Lu boni mafilimu amañata. Lu nani mazimumwangala amañata hahulu. Luna ni zeñata hahulu ze katulusa za lifasi, kufitela keleke i latehelwa ki maikuto ayona kwa sicaba. Libaka ki kuli Moya o Kenile ha u zwa mwateni, mi sesiñwi sa kena mwateni. Ki niti, balikani.

<sup>90</sup> Ni utwile bupaki, bwa kale bwa Pentekota, mo ne ba bela ni mikopano ya litapelo busihu kaufela. Bo ndata luna ni boma, mashumi amane, lilimo ze mashumi aketalizoho kwa mulaho, ne ba lapela busihu kaufela. Sicaba ne si ba toya, fa mikwakwa. Mi luna lu nahana, kacenu kuli, haiba mutu kaufela ha lu nati fa liheta, kupalañi, kuna ni se si fosahalile ku luna. “Bumai ki bwa hao haiba batu kaufela haba bulela hande ka wena.” Na kendilwe ni kuhaniwa ki batu, mi luna lu siswaniso sa Hae. Amen.

<sup>91</sup> Se lutokwa kacenu ki mikopano ya luli, ye litapelo za niti, kukeniswa kube teñi, kukalela kwa kata la kuyopunya ku

mulibeleli wa fa munyako, ndu kaufela i lukela kutanyelwa, ki Mulimu, ku nativa, i bonise Siswaniso sa Munati, Evangelii i kutazwe mwa mata zuho ya Kreste. Yeo ki niti.

<sup>92</sup> Evangelii nyana ye luitwaelize *ze*, ni kunata fa liheta la yo, ni kubeya *yo* fa situlo sa bu dikoni, mi *yani* uba mutoneli wa kopano, kamba nto yeñwi yecwalo, bubeli bwa litaba za na. Kana sani neli sona sene si ezahalile kwa Nicaea, Rome? Lu bata kuzwa mwa lika zani. Ba Methodist, ba Baptist, Presbyterian, Mapentekota, ni bao kaufela, lu lukela kuzwa ku zeo.

<sup>93</sup> Litaba za na ha li lukeli kuba mwa Keleke. Moya o Kenile kona o lukela ku busa Keleke, mi isiñi keto ya za na ha ya kuli mukete ki mukete. “Mulimu ubeile mwa keleke babañwi kuba baapositola, babañwi ki bapolofita, mi babañwi ki baluti, ni babuleli, ni balisana.” Isiñi batu baba keni mwateni ka ku supiwa. Mulimu ki yena ya ba beya mwateni, ka pizo ya Moya o Kenile, mikopano ya litapelo, ni kubeya mazoho, ni kupila fapila Mulimu.

<sup>94</sup> Kono, kacenu, lu tahisize bulapeli bwaluna fa sibaka sa kuli se li fela lipolitiki, kihona, ze lubapalisa mwa likopano zaluna. Luna ni . . . Alimuñwi ha koni kusupa ku yomuñwi. Kaufela luna ni mulatu. Mwahali mwani mufumana baana babañwi ba niti ni basali sakata. Kono ki butata, se Ni nahana fateni, lusweli kutiyela hahulu kwa—kwa lika zesina tuso, sicaba sa niti se si bata kulumela ni kubata mata a Mulimu. Kuna ni babañata babatisizwe ka kezo ye bunolo, “Kihande, *yo* ki muuna yomunde. Ki mutangana yomunde.”

<sup>95</sup> Luna ni likeleke zende. Lu yaha likeleke zende, ni likeleke zende kufita ze lunani. Zeo li lukile. Hakuna ze nyazahala ka zona. Ni tabela kubona keleke ha i eza hande.

<sup>96</sup> Kono, muzwale, Ni kona kutabela kuibona inge ieza hande mwa mata a Mulena kufita kufuma mwa lika za lifasi. Mukutele kwa Evangelii hape! Amukutele kwa mata a Mulimu! Mukutele kwa pentekota, ki . . . sina za makalelo mo ne li inezi. Kono, mwa bona, butata bwateni ki kuli, halu lati kunga kunatiwa kwani.

<sup>97</sup> Wakona kubulela sika kuama nto yeñwi, ni zeñwi ze i eza keleke za ku sa luka, kamba—kamba nto yeñwi ya bulikani fela, ona foo ba ka ku kasheza kwahule, ku kukwalela likwalo. Haukonni kukena mwahali, mwabona, kakuli bana ni mukopano ni ku ku lahela fande. Haba sa mi tabela ni hanyinyani. Ba li, “U lyangani. U latehezwi ki ngana ya hao.” Kono haibile fela ki kuli SA BULELA MULENA KISONA, zeo halina taba ku na ka za bulela mutu. Si lwala mata a Kreste kuli mutu a cinciwe. Si lwala mata a Kreste ku buluka mutu.

<sup>98</sup> Mi sina Jesu mwa na bulelezi nako yeñwi, “Mubone lipalisa. Mi hape Ni li ku mina kuli Solomoni, mwa kanya ya hae kaufela, na si ka apala sina iliñwi yazona.” Solomon, mwa kanya ya hae kaufela, nali mutu—mutu wa mayemo amande. Hakuna ku

kakanya. Nali nto yetuna kwa lifasi, mi muuna yomutuna fapila Mulimu. Kono kubo ya Solomoni ne i sina bupilo ku yona. Neli siemba sa sibyana, mwendi ne si zwisisizwe fa litalo la ngu. Kono, mulilima no nani bupilo.

<sup>99</sup> Se lutokwa kacenu ki Bupilo bwa Kreste m wahala luna. Seo kona se si kenisa; isiñi za kwande, kola ye futukezi m wahali, kamba digiri ya buituti bwa ngana, kamba nto yeñwi. Si lwala mata a Kreste ya zuhile ku lu eza se lu lukela kuba sona. Mulimu haana mulelo usili kwanda kulumeleza Moya o Kenile kubusa mwa Keleke.

<sup>100</sup> Oh, Mulimu, Nali hahulu mwa siswaniso sa Mulimu, kufitela Yena ni Mulimu baba Alimuñwi. "Na ni Ndate lu nto Iliñwi." Oh, mawi! Ha ki bupilo ni boo, kuli Mulimu apile ku Yena, kuli bupilo bwa Hae kaufela ne bu putilwe ku Mulimu. Ki kabakaleo neli siemba sabutokwa!

Satani ataha ku Yena.

<sup>101</sup> Nako kaufela Mulimu ha na hupula kuli Nana ni siemba sabutokwa, Satani akena mwateni. Akena ku Mushe, mi a loba milao. Kono ha taha kwa Siemba sabutokwa se, yani neli keto ya Mulimu kasibili. Amen. Nana ni—Nana ni kulemuhiwa kale ki Yena. Ne li si ka mu tusa. Na pilile ka niti ni Mulimu, nako ya mutualima Mulimu ni kubona kuli Na likilwe ka mazazi amashumi amane mwa lihalupa, sina Mushe. Kakuli, ona baana bani kaufela ne ba Mu paka. Mulao no sinyizwe. Kono nako ya taha, Satani, muliki yomutuna, ni kulika ku Mu lika, a fumana kuli na si ka fumana Mushe mwani. Batili, sha. Na katani malaiti ana ni mata ka likiti kiti za ma watt mi a kumula mafufa a hae nano ya nata ku Yena.

<sup>102</sup> "Ku ñozwi," A bulela. Mwabona? Adama a tuluka. Kono, Jesu, yena Adama wa bubeli, ona Siemba sabutokwa sani sene si tile, ku Muliululi, Na ize, "Ku ñozwi kuli, 'Mutu hana kupila ka buhobe fela, kono ka Linzwi kaufela le li zwelela mwa mulomo wa Mulimu.'" Kwani Nana ni Siemba sabutokwa. Eeni, sha. A bulela nto yeñwi hape. Ki hali, "Ku ñozwi hape, 'Usike wa lika Mulena Mulimu wa hao.' Zwa fa, Satani." Sani neli sona Siemba sabutokwa. Ki sikamañi sa Na ezize?

<sup>103</sup> Kusina kubulela kuli, "Ni ka bulelela keleke yahesu. Ni kaba ni batoneli kuli baeze sa *kuli-ni-kuli*. Bishopu uka eza sa *kuli-ni-kuli*."

<sup>104</sup> Ki hali, "Ku ñozwi." Sani kona sa Na beile kwa mulaho wa Adama, mi a wa, mane Satani a si sinyasinya. Kono na palezwi kusinya Yo kwatene, hakuna taba ka sa ezize. Kuli mane, kufitela aba . . .

<sup>105</sup> Mulimu ali, "Yo ki Mwana ka ya latwa. Mu Mu utwe. Liki kaufela, Ni fa lika kamukana ku Yena. Mina, mu Mu utwe." Nebali Alimuñwi. Nebali nto Yeswana. Mulimu na pila ku Yena,

ku Mu eza Mulimu, Emanuele, fa lifasi. Nali Ngunnyana ye petehile, oh, ona Siemba sabutokwa sa puluso. Ne si tabisize Mulimu, cwale, inge fela Michelangelo, Na susumelizwe hahulu ka bupilo bwa Hae. Lu fumani cwalo... .

<sup>106</sup> Nina ni Mañolo añozwi fa. Mareka 9:7, haiba mubata ku ibala. Mi... Ki Lilundu la Petuho. Fani ha Na li fa Lilundu la Petuho, lu fumana kuli ne ku bonahalile Mushe, mi kwa bonahala Elia.

<sup>107</sup> Mi he, taba yapili mwa ziba, muapositola Pitrosi na bile ni susumezo hahulu, kufitela abulela kuli, "Halu yaheňi litabernakele zetalu mo. Luka panga fela likopano zetalu kuzwa ku se. Lu ka eza likopano zetalu: yeňwi ibe ya Mushe, yeňwi ibe ya Elia, mi iliňwi ibe ya Hao."

<sup>108</sup> Ha na sa bulela, kwa taha linzwi leli zwa mwa lilu lani. La li, "Yo ki Mwana Ka ya latwa. Ni tabile hahulu ni Yena, Ni ka mi natela Yena. Mu Mu utwe. U ka bulela."

<sup>109</sup> "Na holofalezi libi za luna. Na titikezwi bumaswe bwa luna." Nali yena Ngunnyana, ili Ngunnyana ya Mulimu, yona Sitabelo se si petehile. Nekusina ya kile apila sina Yena, kwali kuba kube mutu yakile apila sina Yena. Nali yena Siemba sabutokwa, na swana ni Linzwi la Mulimu ona cwalo.

<sup>110</sup> Mulimu kwa simulaho na file Linzwi la Hae, siemba sa nako *ye*, kwa siemba *sani*, kwa siemba *sani*.

<sup>111</sup> Fani kona fo sicaba si pumilwe hahulu ni kulyangana kacenu. Balika kuyaha fa sika sene si ezahalile myaha ye mashumi amane, lilimo ze mashumi aketalizoho kwa mulaho. Luna lu... . Sani, ne si filwe mwa lusika lwani.

<sup>112</sup> Ki bunde maňi bo ne bu ka eza Mushe kutaha ni—ni liňusa la Enoke? Ki bunde maňi bo ne bu ka eza Mushe kutaha ni—ni liňusa la Nuwe? Ki bunde maňi bo ne bu ka eza Jesu kutaha ni—ni liňusa la Mushe? Mwabona? Mi ki bunde maňi bo ne bu ka eza Wesley kutaha ni liňusa la Luther? Ki bunde maňi bo ne bu ka eza kuli ba Pentekota ba tahe ni liňusa la Wesley? Mwabona se Ni talusa?

<sup>113</sup> Zeo kaufela li lukisizwe hande mwa Bibele mo, mi luswanela kuziba lusika ni nako, ni se si tomezwi luna. Mi fani kona fo lu palelelwakacenu. Lu bala lika zeňwi kaufela kwanda Bibele. Le kona lizazi leo luna ni kupila. Le kona lizazi leo Mulimu u lu tomezi faa. Ha lu talimeňi mwa Linzwi.

<sup>114</sup> Cwalo kona mo ba palelezwi kubona Jesu; ona Bafarisi bani, ni Basaduki, ba ha Heroda. Likopano ze shutana za lizazi lani ne li bile ona cwalo, mi neli kutiyela neku li liliňwi fela, nekusina mukwa wa kubaleha ka ona, ne ba hupula cwalo. Kono cwale ha Na tile, Yena luli... . Na shutana ni bona mo ne ba hupulela. Nali yomunyinyani, Mutangana ya ishuwile yana pepezwi mwa

sicelo, ni . . . na lukela kuba Mwana wa mwa bucwani, ni lika ze kaufela ona cwalo.

<sup>115</sup> Kono, ibo, Na tile ona cwalo fela Mañolo mwa bulelezi kuli kona mwa Na ka tahela. Mi ne ba twaezi za na bulezi Mushe, kanti Mushe na bulezi ka Yena. Ki hali, “Kihande, kambe mu mu zibile Mushe, ne mu ka Ni ziba. Mushe ubulezi za Ka.” Kono niteñi ne ba sa liboni. Neli fela kulyanganisa lizo za bona, kufitela ba palelwa ku libona. Kono, mwa bona, Na si ka taha ku to bonahalisa likopano za lizazi lani. Na si ka tela ku to bonahalisa bulapeli bwa saluluti.

<sup>116</sup> Na tilo bonahalisa Ndate, mi Ndate nali yena Linzwi. Amen. Cwale Ni ikutwa bulapeli luli. Na tile ku to bonahalisa Linzwi la Ndate. Mulimu na bulezi kuli Ukaba teni, mi ki Yani nali fani, ona Siemba sabutokwa sa musebezi omutuna wa mazoho a Mulimu. Oh, mawi! Nali yena ponahazo ye petehile ya Hae. Na bonisize lika kaufela zana—zana bulezi Mulimu. Na bonahalize kaufela za na bulezi Adama ka Yena. Na bonahalize bapolofita kaufela sene ba bulezi, ka zeo ma patriareka kaufela sene ba bulezi. Lika kaufela za Na bulezi, Nali yena mutalelala wa Linzwi. Mifuta kaufela ne i talelelizwe ku Yena. Eehe. Na tiloba Jehova wa Testamente ye Nca. Nali yena Jehova wa Testamente ya Kale. “Linzwi cwale nako yani,” lene lili mwa Siita sa Mulilo, “ne li bonahalile ni kupila mwahala luna.” Jehova wa Testamente ya Kale atoba Jesu wa Testamente ye Nca. Nali ponahazo ye petehile ya Mulimu.

<sup>117</sup> Oh, haiba Keleke kacenu neika bonisa fela ona Keleke yapili yani, fani Moya o Kenile ha u to suluha ka Lizazi la Pentekota! Haiba nji Mukreste kacenu wa kona ku monyeha! Luna lu sikwata sa mazwake, ku seo nebali sona.

<sup>118</sup> Ne ni fitile koluñwi, ha ni taha kacenu, Ne ni sweli kubuha, hane nitaha kwanu, ku yeñwi ya bo Casa Grande ba, kamba ili ya libaka nyana zeñwi ze kwanu, Ne ni lemuhile kuli nekuna ni—ni litema la bwanda, ni bucwani bobu shutana bwa limunanu. Nebana ni mishini ye potoloswa ki moyo kwani, ye pompa mezi, kuli zani liezahale. Kiñi? Ha ki za kwani. Batili kutokwa. Kono, amutalime fa mikakani wa kale, neiske ya nela ka myaha iketalizoho kono ona ukana upila. Mi mu palelwa kubeya mezi ku zeo ka mazazi fela a likani, mi li ka shwa. Mwa bona, ha ki za niti kuzwa kwa makalelo.

<sup>119</sup> Cwalo kona mo lu inezi. Lu na ni ku kombelelwa, ni kutabiwa lindonga zetuna mwa keleke, ni ku omboombiwa, ku bizwa se, sani, kamba sesiñwi.

<sup>120</sup> Kihande, Bakreste bapili bani neli baba buhali. Ne ba sina taba kamba ki mañi ya ba omboomba fa mikokoto. Ne ba bonahalisa Jesu Kreste, hahulu luli, kuli neba ize... Ne ba talima mi bali—bali ki litimbi mi ne ba si ka ituta. Ne ba si ka ya kwa likolo zepahami, mi ne ba si na digiri ya koleji. “Kono

ba to lemuha kuli ne ba li ni Jesu." Kona se ba tokwa, Bakreste kacenu, kulemuha kuli mu inzi ni Jesu. Kuna ni sesiñwi ka wena, se si shutana. Ni ziba kuli sani ha ki . . . Yani ki taba ye sa zibahali ku bulela, kono halu libeleli kabubo. Bakreste ha ba libeleli nto yeñwi ye bunolo.

<sup>121</sup> Kezeli wa mucembele mwa keleke yaka kwa mulaho, na yemanga ni kuopela pina yeli:

Kikuli Ni lukela kuya kwa hae kwa Lihalimu  
Fa mumbeta o bunolo wa lipalisa,  
Kanti babañwi ba lwanile fa kufumana  
mupuzo  
Ni kufita mwa mawate a mali?  
Batili, Ni lukela kulwana haiba Ni na ni  
kubusa.

<sup>122</sup> Mu nahana kuli so no kaeza haiba no li fa mi kaufela li be ze lwanisa Jesu Kreste, kambe ne mu ka pila mwa mazazi a Hae. Mupila ona kwani, muzwale waka, kezeli. Yeo ki niti. U sa li yena Linzwi. Mutualime mo ba hatikela ku Zona kacenu. Mutualime mo ba likela ku Li onga onga, ni ku Li kubukanya, ni lika zeñwi ona cwalo, hamoho ni Lifasi. Kifo yema. Ikungele mayemo a—a hao uyemele Jesu Kreste ni Linzwi la Hae. Kusike kwa ba se si ka tibela seo. Pila hande ni Sona.

<sup>123</sup> Sina muuna muhulu wa kale wa mu Chinese, yana na tahanga kwanu kwa Arizona ni California, lilimo za kwa mulaho. Na sa koni kuñola neba linzwi la Sikuwa. Mane na sa zibi. Ha mu ka muiseza libyana kuli atapise. Mwa ziba za ka eza? Nana ni tuemba nyana twa mapampili, kusina ze ñozwi fateni. Na ka pazula fela kaemba kani ka pampili ni ku mifa siemba silisiñwi. Ha mu ka yo kuta, kaemba kani ka pampili ne ka lukela ku lumelelana ni siemba sa pampili, kusi cwalo ne musike mwa nga litino za mina. Zeo kona mo ne libelanga. Wakona kulikanyisa libizo, kono hauna ku mu uzweza ngana ha ifita ku zeo, kakuli siemba sa pampili sani sina ni kuswana fela ni siemba sa pampili ya hae.

<sup>124</sup> Cwalo kona mwa na ezelize Mulimu bulikani bwa Hae ni yena. Kutwisiso yaluna ha ki ku lumelelana ni tuto yeñwi ya tumelo, tuto yeñwi ya katengo, kopano yeñwi ya kopano, kono ina ni ku zamaeleta ni Linzwi la Mulimu, Jesu Kreste. Kiniti. Ha lu taha ku Kreste, kipeto Kreste wa lu nga. Na Mu pazuzi fahali, fa Kalvari. Siemba sa Hae sa ngelwa mwa lihalimu, ku yo ina kwa lizoho la Hae la bulyo, sene sili mubili. Moya, A taha, a lumela ku luna kuli ueze Munyaliwa wa Hae. Mi ona zibo yeswana yani yeneli ku Kreste ilukela kuba ku luna.

<sup>125</sup> Nali—Nali ya petehile hahulu kufitela A tabisa Mubeti, ni ku Mu susueza hahulu kufitela A Mu nata fa Kalvari. Oh, mawi! Cwale lwa Mu bona sina Mañolo hana bulezi kuli, siemba sabutokwa sa Mulimu. "Lu Mu bona inza natilwe, ku holofazwa,

ni ku nyandiswa ki Mulimu.” Ki seo siemba sa butokwa sa niti. Sina ’Angelo ha na natile sa hae, kona sene si ezizwe . . .

<sup>126</sup> Kambe Na pilile fela bupilo bobunde, Na kaba fela sina batu babañwi baba kutaza evangeli ye bunolo kacenu, “Nali mupolofita.” Na li mupolofita, kono Na fitelela mupolofita. Na li Mulimu. Na li Emaunele.

<sup>127</sup> Mi cwale, sene si Mu ezize cwalo hande, ku na, kuba—kuba Siemba sabutokwa ku na ni ku wena, kakuli Mulimu ki yena yana Mu natile. Na Mu natile fa Kalvari. Kambe Na si ka nativa . . . Hakuna taba kamba ki babakai bene ba shwile ba Na zusize, mwa Na kutalelize katata, mo ne bubezi butuna bupilo bwa Hae, za Na ipiza ka zona, Na pakilwe kwani. Na tabisizwe hahulu, Mulimu na tabezi, kufitela Aba fela yena Mutu anosi yakile a yema fa lifasi yoo Mulimu na ka nata mwa sibaka sa babañwi kaufela. Yena ya petehile yani a natelwa baba si ka petahala. Pupo kaufela yene wile, ka Adama, ne i liuluzwi ka Jesu Kreste. Siemba sabutokwa sa Mulimu si yemezi muliko. Kana Na ezize cwani zeo? Ka Linzwi. “Ku ñozwi, ‘Mutu hana kupila ka buhobe fela, kono ni ka Linzwi kaufela le li zwelela mwa mulomo wa Mulimu.”

<sup>128</sup> Oh, mulikani wa Mukreste, aku apale lilwaniso kaufela za Mulimu. Musike mwa yema ni muhupulo nyana wa lituto za litumelo, kamba nto yeñwi ye mu yemi ka yona. Mu apale lilwaniso kaufela za Mulimu ha mu yo lwanisa sila, sina Mulena luna mwa na ezelize. Na bonisize ka mo Mukreste ya fokolela mukwazo ukona ku koma Satani ka Linzwi fela. Nana ni mata, Na konile ku nata Satani ka nzila kaufela ya Na bata kueza ka yona, kono Na si ka itusisa ona. Na ngile fela Linzwi ni ku mu koma ka Lona. “Ku ñozwi. Ku ñozwi.” Kai ni kai, “Ku ñozwi.” Kacwalo A koma Satani ka Linzwi la Mulimu.

<sup>129</sup> Cwale, sani neli Siemba sabutokwa se si petehile mi Mulimu a Si nata. Ha ki mutala ni wo mo ne Si bezi! Ha ki sika kwa mayemo hande! Mubulele ka za siemba sa Michelangelo sa—sa mubeti kwani, ka Mushe yana natilwe fa lihutu? Bibele ibulela kuli, “Muuna yo na natilwe kufitelela batu kaufela. Na natilwe hahulu kufitelwa apalelwa kubonahala sina mwana mutu. Na natilwe. Na holofalile. Na lota mali. Na tubuzwi.” Yena . . . Liki kaufela ze ne ka ezahala. Na bonahala fela inge—inge libunda tuna la Mali ni masapo, ze ne zamaya hamoho. Mane na sa bonahali sina mutu, Hana sweli kuholoholola sani kuya fa Kalvari. Mulimu na lu natezi Yena. Sani kona se si Mu eza kuba Siemba sabutokwa.

<sup>130</sup> Oh, mo Ni mu latela, ka kuziba kuli U ezelize na zani, ka kuziba kuli U ezelize wena zeo. Kana lukona cwani—kana lukona cwani ku li swanisisa? Hakuna yana konile ku li swanisisa. Hakuna ya swanela ku li swanisisa. Neluli fa lufelezwi ki sepo. Lu sina Mulimu. Lu sina nzila kaufela ye ne ka lufa

tukuluho. Mañi ni mañi wa luna na pepilwe ka foso, mi ne luna ni ku lifa tifo. Kono Yena ataha, ali Ya petehile, mi na petehile hahulu mi ya kateleha luli kufitela Mulimu a Mu natela wena ni Na.

<sup>131</sup> Cwale, bukaufi ni myaha ye likiti zepeli, Mulimu ubile alika ku Mu puma siemba sabutokwa sa Munyaliwa, ya bizwa Keleke. Yeo ki niti. Kana Mulimu u li eza cwani? U liezanga ka mukwa wa Hae o sa cinci, ili Linzwi. Mulimu ha cinci mikwa ya Hae. Mutu kaufela, mwa kona. Mwa cinca. Na cinca. Nako ya cinca. Lifasi la cinca. Kono Mulimu ha cinci, U petehile. Yena ha cinci. Mi nzila Ya eza sika ka nako yapili, U kana a sieza ona cwalo ka nako kaufela.

<sup>132</sup> Na pilisize mutu nako yeñwi kakuli na bakile. Cwalo kona mwa ka piliseza mutu hape. Na folisize muuna alimuñwi kakuli nana ni tumelo. Uka folisa ya tatama fa mayemo a swana. Ha cincangi nzila ya Hae, kakuli, mwabona, U icemezi mi Yena ki wa Kuyakuile. Yena haashwi, ki yamata kaufela, uziba lika kamukana. Ki yena Mulimu. Mi kabakaleo Ha lukeli kubuza mutu ka butali. Ha lukeli ku libelela kufitela A lutija hahulu. Hatokwi digiri yenca. U petehile. Mi bupahamo kaufela, ni sika kaufela Sa eza nako yapili, mulelo wa Hae wa makalelo uba ona cwalo o swana kuyakuile. Ha likoni ku cinciwia. Oh, mo Ni bezi ya tabile!

<sup>133</sup> Mi ha Na ezize siemba sabutokwa sa Hae sapili, A mu beya kwa mulaho wa Linzwi. Fani ha Na ezize Siemba sabutokwa sa Hae sabubeli, Nali yena Linzwi. Amen. Nali yena Linzwi; isiñi kwa *mulaho* wa Linzwi. Kono, Nali yena Linzwi. Mulimu ha cincangi mulelo wa Hae. Sani kona sa Na kalile kueza keleke ya Hae yapili ka sona, lona Linzwi.

<sup>134</sup> Cwale, Mulimu, yena Linzwi, kwa simuluhu, Na icemezi kuzwa ku zeñwi kaufela, lika zeñwi kaufela, batu babañwi kaufela. Cwale, Ha ni talusi kubulela se kuli ni shutane. Mulimu ki wa saluluti. Mwa ziba cwalo? Mubulela za ku kopana? Mulimu una ni saluluti. Luli una ni yona. U kauhanya sicaba sa Hae kwa lifasi. Na kauhanyize Isilaele, naha ya Hae. U lika ku kauhanya keleke ya Hae kuzwa mwa lifasi, kono keleke ibata kuya ni lifasi. Kono sicaba sa Hae si sa ketululwa, ku kauhanelia ku Yena. Ki mañi Yo? Ki Linzwi.

<sup>135</sup> Kana mutu ukona kuba cwani ni kolobezo ya Moya o Kenile, mi Moya o Kenile kona ono ñozi Linzwi, mi mutu yana ni kolobezo ya Moya o Kenile kono ulatula Linzwi? Ku konahala cwani kuli Moya o Kenile ku wena U hane Linzwi le lu tomezwi wena? Ha ni utwisisi zeo. Lina ni ku lumelelana ni Linzwi. Mi haiba moya wa hao ku wena hauna ku alaba yeñwi ni yeñwi ya lisepiso za Mulimu ka “amen,” kuna ni se si fosahalile.

<sup>136</sup> Muzwale Fred Sothmann kamba yomuñwi mo busihu bo, na bulezi kuli, “Jesu Kreste wa swana maabani, kacenu, ni

kuyakuile.” Ki yena Linzwi. Lona, luli. Yena kamita wa swana, mwabona, mi moya wa hao una ni ku bulela sani ka “amen.”

<sup>137</sup> “Oh, Yena, ka nzila iliñwi U cwalo.” Mwa buino bufi kaufela, Yena wa swana maabani, kacenu, ni kuyakuile.

<sup>138</sup> Cwale lu lemuha kuli Mulimu na kalile ku Mu ezeza kuba—kuba ni Munyaliwa wa Kreste. Kacwalo . . . Mi Munyaliwa una ni ku zibahala ni Yena mi ku Yena, kakuli ki siemba sa Hae. Cwale, Munyaliwa ki siemba sa Hae. Yena ki siemba sa Hae. Linzwi la lizazi lani, Munyaliwa uba siemba sa Linzwi lani, kakuli ki Kreste. Cwale, mwa lumela cwalo? Luna ni kuba ku Kreste. Ku Kreste, luna ni kuba ba Kreste, ku Kreste, siemba sa Kreste.

<sup>139</sup> Musali ki sikamañi, ha sa ngile muuna, kamba muuna unga musali? Musali yani una ni kuba siemba sa hae. Haisali ba babeli. Ki alimuñwi.

<sup>140</sup> Mi cwale Mulimu ni Kreste ha to ba alimuñwi, Nebali Alimuñwi. Kakuli, Mulimu nali yena Linzwi, mi Linzwi a ezwa nama. Mubili ni Linzwi za ba Alimuñwi. Mi cwale keleke haiba Munyaliwa wa Kreste, Yona ni li Evangelii li ba zeswana.

<sup>141</sup> Mukona kubulela cwani, kanti kuli, “Mazazi a limakazo a felile”? Mukona kubulela cwani, kanti kuli, “Ha ki ya swana maabani, kacenu, ni kuyakuile”? Mukona kubulela cwani kuli, “Lika zani ki za muapositola kamba mulutiwa, kamba mutu yomuñwi mwa lizazi lisili,” haiba u siemba sa Hae?

<sup>142</sup> Mi, ha Na ize, “Lihalimu ni lifasi li ka fela, kono Linzwi la Ka halina ku fela.” Kucwani he ka Sinulo 22, ha Na felize kuñola Buka? Na ize, “Ni paka kuli haiba mutu kaufela uka ekeza linzwi li liliñwi, kamba kuzusa Linzwi ku Lona, siemba sa hae si ka zusiwa mwa Buka ya Bupilo.”

<sup>143</sup> Kana lu ka taha cwani kwa Lihalimu, kanti, ku to bulela kuli, “Kihande, Ni lumela se, kono ha Ni lumeli Sani”? Mu lukela kuba Linzwi lelitezi, kakuli mu siemba sa Hae. Cwalo kona Mulimu mwa likela kuezeza Keleke ya Hae kacenu, isiñi ka tuto ya tumelo. Mi balika ku lu hapeleza kukena ku zona, balikani. Wakona kuli bona ha li ezahala. Muñolo u fa limota. Hakuna kuliyeha kufita lu ba Keleke ya lifasi loote. Mi keleke kaufela i ka swanelia kukena mwateni, kamba iyemele ze sabisa. Kihande, kana muitukisize kuyema foo? Ku hande musike mwa eza cwalo kakuli munahana kuli ki nto yelukile.

<sup>144</sup> Ku hande ube ni Kreste ku wena, kakuli Linzwi lani ki la Kuyakuile, mi Linzwi leo kona le li ka ku zusa hape. U ba siemba sa Linzwi lani. U zibahalizwe ni Linzwi.

Kacenu, u li, “Ni Mukreste.”

<sup>145</sup> “Ki kopano ifi ye mu fumaneha ku yona?” Kihande, zeo halina sa kueza ni Bukreste.

<sup>146</sup> Ku lukile kuba ni likopano. Ha ni lwanisi zeo. Kono, mwabona, seo, kona se ba li sona batu . . . Batu babañata ba

bulela kuli Ni sinyaka likopano, Na li shandaula. Ha ni ezi cwalo. Batili, sha. Likopano, kaufela li iketile. Zeo liswana fela tumelelano ye beleka, kamba sika kaufela se si cwalo. Kono ha mu kumalela, kakuli mu li, “Ni Mukreste kakuli Ni wa keleke ya *kuli-kuli*,” sani ha si talusi sika kaufela. Mu lukela kuba ba Kreste, mi Kreste ki yena Linzwi. Mi linako zeñata likopano zani li kwahule hahulu ni Linzwi sina Upa ni Wiko mo libezi.

<sup>147</sup> U lukela kuina ni Linzwi lani, kuli ube Munyaliwa. Haiba u ku Munyaliwa, u inzi mwa Linzwi, mi Linzwi liinzi ku wena. Mi Linzwi lene libonahalize Mulimu ku Kreste, libonahalisa Mulimu yaswana ku wena. Amen. *Amen* italusia kuli “ku be cwalo.” Kacwalo, ku be cwalo. Ni lumela kuli ki yona Niti. Una ni ku zibahala ni Yena.

<sup>148</sup> Cwale, haiba Ni kaba mu American wa luli, haiba Ni kaba muña naha ye wa niti, Ni lukela ku zibahala ni yona. Ni lukela kuba kaufela se ne ibanga sona, se sindie ni se si maswe. Ni lukela kuba kaufela seili sona, zende kamba zemaswe; kaufela se ikaba sona, sesinde kamba sesimaswe. Ni lukela ku itibahaza ni naha ye, haiba Ni kaba mu American. Kana ki niti yeo? Mwa kanya ya yona kamba maswabi a yona, tukuluho kamba kutuuma, kaufela sa li sona, Ni lukela kuba mubupi wa kusa shwa kwa yona. Ni lukela kuyema sina siñomoto. Kaufela seili sona, Ni cwalo. Kaufela sene ibanga sona, Ni cwalo. Kaufela se ikaba sona, Ni lukela kuba wa siemba sateñi. Yeo ki niti.

<sup>149</sup> Mu nahane fela fateni ka mizuzu yelikani. Mi, ka kuba cwalo, sina mu American . . . Ni ka mi tiseza zona, kuli mube hande ka kukolwa ni ku libona, hanze Ni kwala.

<sup>150</sup> Kuba mu American, Ni lukela ku zibahala kwa lika kaufela za kile a eza. Mi, Ne ni ilo hata fa Plymouth Rock, hamoho—hamoho ni bas hemi ba kale. Ne nili fa Plymouth Rock ni Bazamayi. Nenili ni bona kwani. Ne ni pahami ni Paul Revere, busihu bobuñwi, ku yo lemusia naha ye ya likozi za yona. Ne ni na ni kuba cwalo, haiba Ne nili mu American.

Mu li, “Oh, Muzwale Branham!”

<sup>151</sup> Mulibelele fa muzuzu. Bibebe ibulezi cwana, mwa Maheberu kauhanyo yabu 7, kuli, “Livi yana amuhezi sa bulishumi, alifa sa bulishumi, kakuli nali mwa liteka za Abrahama fani ha katana Melekisedeke,” kuku wa hae wa kale-kale-kale, mi a talimwa kuli ki yena. Fani muikulyae wa koo kwa-kale-kale ha na sa li mwa liteka za hae, fani Abrahama ha lifa sa bulishumi ku Melekisedeke, Mulimu ali lukisa. Kana Na ezize cwalo? Ki niti.

<sup>152</sup> Kaufela seo naha ye ili sona, Ni cwalo. Yeo ki niti. Kacwalo, Ne ni lo tuluka fa Plymouth Rock. Ne ni pahami ni Paul Revere.

<sup>153</sup> Ne ni silile musindi obizwa Valley Forge, neli kwani kwa nuka ye kangezi ni George Washington. Nenili alimuñwi wa bona masole bani bama America bene basina makatulo kwa mahutu,

inge lu zamaya kukasha ma British. Mahutu aka na kangezi kakusasana wani, ha Ne ni tatelize masila kwa mahutu. Ne ni boni Washington ha zwa mwa lihalaupa, inza kolobile, kufita mwa liteka za hae, kuzwa kwa kulapela busihu kaufela. Nenili teñi ha si ezahala.

<sup>154</sup> Ne ni yemi ni Stonewall Jackson, twaniso haneili yetuna maswe. Fani limpi za kwa mutulo ha li lumiwa kwani, se bali, “Limpi kaufela li kwaluhile.”

Ali, “U kai Jackson?”

<sup>155</sup> Ali, “U yemi sina licwe la limota.” Na yema ni yena fani; muuna yomunyinyani, wa meeto a mubala wa lihalimu.

<sup>156</sup> Ne ba mu buzize nako yeñwi kuli, “U kona cwani kuyema kanti ze lwanisa ki zetuna hahulu?”

<sup>157</sup> Muuna ya bukwala lulì, a laha likatulo za hae, sina *cwalo*, ali, “Nali kuba ni nwe mezi mwa mulomo waka, kufitela pili Ni itumele ku Mulimu Yamata kaufela.” Na yema ni yena mwa buikolwisiso bwa hae. Na yema ni Stonewall Jackson. Yeo ki niti.

<sup>158</sup> Ne nili teni kwa Boston Tea Party. Ne ni tusize kusululela tii yani yebizwa British Tea mwa liwate. Ne ni na ni kuba *cwalo*, kuli nibe mu American. Eeni, sha. Eeni, sha. Ne ni nyatezi Muhuwo wa Tukuluho, ni Thomas Jefferson. Ne ni lizize Mulangu wa Tukuluho, ka kweli ya Sikulu zazi la 4, 1776.

<sup>159</sup> Ni zibahala mwa maswabi a yona a tukuluho, fani muzwale hana lwanile ni muzwale, mi ndate a lwanisa mwana. Ni lukela ku zibahala mwa maswabi a hae, ka kuswana fela sina ha Ni zibahalezi mwa kanya ya hae. Yeo luli ki niti.

<sup>160</sup> Ne nili kwa sooli sa Wake Island fani masole bani kaufela ha ba latehelwa ki bupilo bwa bona. Ne ni ba boni haba li eza. Ne ni ba boni haba hapa Wake Island. Ne ni tusize kupaheka ndembela fa Guam. Kiniti.

<sup>161</sup> Kaufela sa li sona, mi kaufela sakile aeza, kaufela sa li sona *cwale*, Na itibahaza ka bukuhumuso Nili ni wa siemba sa hae, kakuli Ni tabile ka kuba mu American. Mina bo?

<sup>162</sup> Kuba Mukreste, Ni lukela kuba ya swana. Haleluya! Eeni, sha. Haiba Ni Mukreste, kona kuli Ni kutilize Evangelí ni kulemuska kaza katulo ye ne taha, ni Nuwe. Eeni, sha. Ne nili siemba sa yona kwa mulaho kwani, mwahali mwani. Ne nili siemba sa mubuso wa Mulimu.

<sup>163</sup> Nenili ni Mushe fa sicacani se si tuka. Ne ni lelekilwe kuzwa mwa Egepita ni Mushe. Ne ni matezi mwa lihalaupa, mi Ne nili ni yena kwa sicacani se si tuka mulilo. Na utwa linzwi la Hae. Na bona kanya ya Hae. Ne ni boni Siita sa Mulilo kwa mulaho mwa sicacani kwani, inge a ambola ni Mushe.

<sup>164</sup> Ne nili niyena kwani kwa Liwate Lelifubelu ha li kwaluha. Na bona Siita sa Mulilo ha si lula fa Lilundu la Sinai. Ne ni cile maana mwa lihalaupa mi na nwa mwa licwe le li natilwe. Haleluya! (Ha ni ikutwi kuli ni wa myaha ye fifite-faifi fa cwale.) Amen. Eni, sha. Ne ni cile maana mwa lihalaupa, ni bana ba Siheberu kwa mulaho kwani mwa lihalaupa. Mi Na nwa kwa licwe leli swana lani.

<sup>165</sup> Ne ni yemi ni Joshua kakusasana wani hana sweli kutalima mamota a Jeriko, mi abona Muuna yana yemi. A hoha mukwale wa hae ku mata ku yo Mu katanyeza. Mi ali, “Kikuli u kwa neku la luna. Kamba uyemi ni sila?”

<sup>166</sup> Ki hali, “Kina Kapitao wa mpi ya Mulena.” Na bona Joshua ha nepela mukwale wa hae fafasi. Na kubama ni Joshua hane Ni inami fapila Hae, yena Kapitao wa Mulena wa mpi ya Hae. Na bona mamota a Jeriko ha wela fafasi, ka kulila kwa tolombita.

<sup>167</sup> Na bona Joshua, ali, “Lizazi, yema nonga. Mi, kweli, yema fahalimwa Ajalon. Usike wa shenya.” Na bona lizazi ha li yema nonga, mi kweli ne i si ka palelwa kufa liseli la yona. Na bona kaufela zeo ha liezahala.

<sup>168</sup> Nenili ni Daniele mwa musima wa litau; ni bana ba Siheberu mwa ondo ya mulilo o sabisa.

<sup>169</sup> Ne nili ni Elia, kwande kwani fani lifasi kaufela ha li mu fetuhela, ni Akabe ni bo Jezabele ba bona kaufela ni milili ya bona ye kutilwe ni lika zeñwi za lizazi lani, mipende ya bona ni mapauda, lika kaufela ze ne amuhezi keleke. Ne ni yemi ni Elia, na bulela liñusa le li kenile mi lelisina busafa, ka Linzwi la Mulimu. Haleluya! Na ina ni yena fa Lilundu la Karmeles ha na yemi anosi kwani. Ne ni muboni inza lapela mane mulilo wa zwa kwa lihalimu.

Nenili ni Davida fani ha bulaya Goliati. Kanya ku Mulimu!

<sup>170</sup> Kihande, haiba ni Mukreste, Ni zibahala ku zeo kaufela. Ni lukela kuba wa siemba sa zona. Eni, sha.

Ne ni polofitile ni Isaya mwa lizazi la hae.

<sup>171</sup> Nenili ni Joani fa Jordani fani hana boni nkwilimba inge itaha fahalimwa Hae. Ne ni yemi ni Joani fa Jordani.

<sup>172</sup> Ni Mu boni ha folisa bakuli; ha zusa Lazaro; a zusa mwana musizana wa Jairusi hape, kasamulaho amano shwa. Ne ni boni zani.

<sup>173</sup> Ni itibahalize ni Yena mwa lifu la Hae. Ne ni shwile ni Yena fani ha Na shwile fa Kalvari, mi Na zuha hape ka la Zuho kakusasana ni Yena, mwa mata a zuho ya Hae. Ni paki ya zona busihu boo. Ne ni shwile ni Yena fa Kalvari, na zuha ni Yena ka la Zuho. Haleluya! Kuba siemba sa Hae, Ni lukela ku itibahaza ni Yena. Ne ni itibahalize ni Yena mwa lifu la Hae. Ne ni itibahalize ni Yena mwa manyando a Hae. Ne ni itibahalize ni Yena fani

likopano ha li Mu fetuhela. Ne ni zibahalile ni Yena nako ye ba Mu leleka mwa tempele, ha ba lika ku mu posaka, ku Mu lelekela kwande. Nenili ni Yena kwani. Nenili ni Yena mwa lifu la Hae, na zuha ni Yena mwa zuho.

<sup>174</sup> Mi ne Nili ni baba mwanda ni mashumi amabeli ha ba pahama fa ndu ya fahalimu. Eeni, sha. Ne ni pakile ka moyo o mata wani omutuna ono zwile kwa Lihalimu. Ne ni bulezi ka malimi ni baba tozizwe ka Lizazi la Pentekota. Haleluya! Nenili teñi kakuli Ni itibahaza ni Yena. Kanya ku Mulimu! Yeo ki niti. Ne ni kutilize ni Pitrosi, mwa Likezo 2. Oh, Ne ni kutilize ni yena kwani.

<sup>175</sup> Ne ni kutilize ni Paulusi fa Mars Hill, fapila bahanyezi. Eeni, sha. Ne nina kuba cwalo.

<sup>176</sup> Nenili ni Joani fa Sooli sa Patmosi. Na bona pono ya Kutaha kwa Hae. Ni cwalo. Ne—Ne ni muboni Luther. Ne nili ni yena mwa kuongaonga.

Ne nili ni Wesley.

<sup>177</sup> Mi cwale Ni teñi mo mwa Yuma, Arizona. Haleluya! Ni zibahala busihu bo, mo mwa Stardust Motel, ni sikuwata sa batu baba lumela lika zeswana. “Mi cwale luinzi hamoho mwa libaka za Mahalimu ku Kreste Jesu.” Haleluya! Ni libelezi Kutaha kwa Hae mwa kanya, leliñwi la mazazi aa. Ku zibahala ni Yena!

Kupilá, A ni lata; kushwa, A ni pilisa;  
 Kupumbekwa, A lwala libi zaka;  
 Ku zuha, A ni beya ya lukile kamita:  
 Zazi leliñwi Uka taha—Oh, ki lizazi la kanya!

<sup>178</sup> Ni zibahalizwe cwale mwa kolobezo ya Moya o Kenile; ha ki sesiñwi sa fande fa mikwakwa fa, sesiñwi kwa mulaho myaha ye mashumi amane kafoo. Ni na ni zona onafa cwale, kanya ni mata a Mulimu, a swalelo ya libi. Ni Mu bona ha folisa bakuli, ku kwalula meto a libofu, ku Mubona inza bulela lika ze sa taha, kubala lipilu za sicaba. Ni itibahalize ni Yena mwa bulumiwa bwa Hae ka lizazi le. Kanya ku Mulimu! Ni zibahala ni Yena, ka tukuluho mwa lizazi la mafelelezo le. Ni sepa kuba siemba sa Munyaliwa yomutuna ya taha yani leliñwi la mazazi aa.

<sup>179</sup> Hakuna taba kamba lifasi li ka bulela sikamañi, bakona ku lu biza kuli “likuba, babatezi maikuto, kamba bo Baalezebubi, kamba bafitelezi ba tumelo,” kaufela se ba bata. Niteñi ni sa bata ku zibahala ni sikuwata sani. Ni saliteni foo. Ni sa siyezi ona foo. Ne ni pepezwi ona fani. Ni bata kuinelela ona fani. Ni kaba niba ona fani kamita, kakuli Mulimu ki yena ya ni tomile fateni. Kina yo. Ne ni zwile mwa keleke yaka, kutaha ku to itibahaza ilina ni sicaba sa bapikuluhi baba kenile. Ni alimuñwi wa bona. Ni zibahala ni bona.

Ba li, “Billy, u latehezwi ki ngana ya hao.”

<sup>180</sup> Mwendi Ni lyangani, kono Ni fumani ngana ya Kreste. Ni fumani Linzwi la Hae, na fumana Kubateni kwa Hae, na fumani kuli ki Ya swana maabani, kacenu, ni kuyakuile! . . . hakuna taba ka sa nahana mutu ka zona. Yo ki na. Kina ya lukela ku bonahalisa zibahazo yaka. Ni itibahalize ni Yena, ka Linzwi la Mulimu. Ki hali, “Lisupo ze li ka ba latelela baba lumela.” Ni tabile kuli Ni itibahalize ku sani. Eeni, sha.

<sup>181</sup> Mwa ziba, mulizi wa mucembele wa violin, nako yeñwi, mu utwile likande lateni, nebana ni violin ni kuifundota ka liteko teko, neba bata kuilekisa, mi hakuna ya na itakaleza ku ileka. Se bali, “Ki mañi ya ka fa dollar? Ki mañi yaka fa dollar ni licika?” Mafelelezo, “Kiyeo ya pahama hañwi, yapahama habeli, dollar ni licika.”

<sup>182</sup> Mafelelezo muuna muhulu wa milili ya limbi ataha mwahala sicaba. Mwa ziba likande. A i nanula, ali, “Aluboneñi ni iswale.” Alamba fateni mafula a benyisa, ni ku i tutula linako nyana. Sicaba sa kala kulila. Mioko ya kala kububa kwa lifateho za sona, ona cwalo.

<sup>183</sup> Mi basino eza cwalo, mulekisi a i nopa hape, ali, “Kimañi ya ka tisa kalikañwi,” ali, “sauzande dollars, tu sauzande dollars, faifi sauzande?”

<sup>184</sup> Shutano neli ifi? Muña yona, yana i ziba hande, yena yana i ezize, na ziba mwa kuzwiseza mwatensi se ne sili kuyona.

<sup>185</sup> Mi ibile fela lu lika kutisa likeleke za luna kuzwa mwa lituto za litumelo ni likopano, haluna ku kona. Lutuhele kuli Muyahi ya Sikwala wa batu, Ya ezize batu mwa sibupeho sa Hae tota, Yasweli ku Mu ezeza Munyaliwa wa nto yeswana, tuhela kuli buta bwa Hae bwa Moya o Kenile bu nate fa Linzwi le mwa pilu ya hao nako yeñwi, mi ikaba mutala wa luna omunde. Hakuna taba ka likeleke zetuna zekai ko maya, ni buñata bwa mabizo ali mwa buka, li ka eza zetuna za Jesu Kreste kufita likeleke kaufela, ni likopano, ni lituto za litumelo, ni likeleke za lifasi, ni likopano, mwa lifasi kaufela.

<sup>186</sup> U sweli kueza Munyaliwa. Eni, sha. Usweli ku puma kwatensi tuemba cwale, kuzwisa kwatensi za bu lifasi. Oh, kuikopanya kwa keleke, ni lituto za litumelo, ni likopano, ni lituto za litumelo, kaufela zona lina ni ku zwiswa kwa Keleke; milelo yabona ya butu fela, ku sa tokomela kwabona, lituto zabona ni lika zeñwi. Amukute mulumeleze Muñi aswale buta bwani. Lumeleza kuli Muñi aku nanule mwa mazoho a Hae, anate fa Linzwi, ali, “Jesu Kreste wa swana maabani, kacenu, ni kuyakuile.”

<sup>187</sup> Uli, “Amen, Mulena. Ni eze, ni bupe, ni eze, Mulena, se Ni lukela kuba sona.” Mi i kaba nto yeshutano.

<sup>188</sup> Mi, “Haiba Ni nanulwa kuzwa mwa lifasi, Ni ka bizeza batu kaufela ku Na.” Eeni, sha.

<sup>189</sup> U sweli ku sehulula ku wena cwale, wa ku puma kuli ube fela Linzwi kihona, kupumaka lituto za litumelo kaufela ni lituto za bumulimu ni lika zeñwi, kuzwa ku wena, kulika kukutela ku Munyaliwa wa ku Mwana, siemba sesiñwi sabutokwa, siemba sa Linzwi. Lona Linzwi sakata.

<sup>190</sup> Jesu na si ka nga sibaka. Mwa hupula hane ba balile lizazi lani mwa buka? Na balile fela siemba sa bupolofita, a siya zeñwi za bona mwa mazazi a maungulo. Lu swanela kunga siemba sani.

<sup>191</sup> Kacwalo, mwa bona, U pumile, ubata kupuma Keleke kwateni, inge fela mwa Na ezelize ku Mwana, sina mwa Na ezelize ku Munyaliwa ni Munyali. Kuba Munyaliwa wa Hae, mu lukela kuba siemba sa Hae. Isiñi siemba sa lituto za litumelo, isiñi siemba sa keleke, isiñi siemba sa kopano, kono ki siemba sa Hae. Ku sehululwa kwa mufuta kaufela wa sika, zeo halina kubeleka. U lukela ku sehululwa kwa Linzwi. Lifasi li sehululwe ku wena, mi u siye fela Linzwi linosi inge lipila ku wena.

<sup>192</sup> Mubeti yomutuna usweli ku kutalima ku wena, u i takaleza kuyema ni ku kubeya hande mwa siyemo sa kuswana kwa tato ya Hae seo Linzwi la Hae litabela. “Mwa mazazi a maungulo Ni ka sulula kwa Moya wa Ka fahalimwa libupiwa kaufela. Bana ba mina babashimani ni basizana ba ka polofita.” Kreste ki yena Siemba sabutokwa sa Linzwi se si ezizwe nama. U kupiwa ku itibahaza iliwena ku Yena, ka Linzwi le liswana, kuli ube siemba sa butokwa sa Munyaliwa.

<sup>193</sup> Cwale, banabahesu, Mulimu nana ni siemba sa butokwa nako yani, sa lifa kwa lifasi, cwale U bata siemba sa butokwa kacenu. Kana wa itakaleza? Kikuli uitukisize, mulikana ka wa Mukreste? Kana wa ziba hande kuli bupilo bwa haoa bu bonahalela ku Kreste, hakuna taba kamba lifasi li bulela sikamañi. Ba li, “U latehezwi ki ngana ya hao. U lyangani. U ilo ikopanya kwa sikuwata sa bapikuluhi ba bakenile sani.” Musike mwa iseza ngana ku zeo.

<sup>194</sup> Haiba ha u si ka piliswa luli, mi mwa Mubili wani, ni Linzwi la Mulimu ku wena ni ku iponahaza ili Lona, mi Bupilo bwa Kreste bu bonahala ku wena; muzwale, kezeli, usike wa keshebiza kolo yeo. Hanina taba kamba mu sikamañi, ki kutwisiso ya mufuta mañi yo na ni yona, tuhela kuli Linzwi leo li ku monyehele zazi ni zazi, kakuli Mulimu, mwa mazazi a maungulo aa, u nga Munyaliwa wa Mwana Hae, Jesu Kreste.

Halu inamiseñi litoho zaluna.

<sup>195</sup> Ndate yomunde yakwa Lihalimu, nzila ye buhali cwalo fapila sikuwata sa batu baba itutile. Tuto yaka i lika-...i taezi, Mulena. Ni lapela kuli Moya o Kenile omutuna u nwelise manzwi a mwa pilu ya sicaba, kuli ba bone se Ni talusa, haiba ha ba sa utwisisi mwa mukwa wa ku lemaka lika, Mulena. Kono, mwa pilu yaka, Ni—Ni bona seo U—U lika kueza.

<sup>196</sup> Na lumela, Ndate, Munyaliwa ulukela kuba siemba sa Munyali. U lukela kuba ya swana sina Munyali, kakuli ki siemba sa Hae. Hakoni mane, hakoni kuba Munyaliwa wa Hae konji ha sa bile siemba sa Hae. Mi seo ki siemba sa Linzwi, kacenu, se si bulela kuli Yena wa swana maabani, kacenu, ni kuyakuile.

<sup>197</sup> Peu ya buloto ye kile yapila nako mwa lifasi, ni kuwela mwa mubu, ya zuhela mwa siswaniso se si swana ni peu ye ne keni mwa mubu. Mi, Mulena, ka Lizazi la Pentekota kwa taha Keleke yetuna. Kwa taha peu yeñwi ya buloto, ku to ezwa Munyali ni Munyaliwa wa lizazi la mafelelezo.

<sup>198</sup> Lu fumani, fo ne iwezi mwateni, ku Yena, ka myaha yelikana sikiti. Kuzwa kwa katengo ka ba Nicaea, ne i inelezi mwa mubu inge i bola.

<sup>199</sup> Muhanzezi na ñozi buka yeli, *Mulimu Ya Kuzize*, “Yana ka tuhelela bana babanyinyani bani ba shwe, ba bulaiwe ki litau, ni kucisiwa. Mi balwani ba maroma ba bulaya Bakreste, ni ku ba ciseza fa litoli.” Kambe muuna yani nana ni fela kutwisiso ya moy!

<sup>200</sup> Buloto bwani buna ni kubola mwa mubu, kono bwa bonahala hape, isiñi ka kuswana sina mo nebu kenezi. Ne bu wezi mwa kuswana kwa peu ya buloto, kono, ha bu mela, nebuna ni matali, sina buloto bobunyinyani bo bu mela.

<sup>201</sup> Ka kufeleleza ya hula, kuzwa ku Luther kutaha ku Zwingli, ni kushetumuka cwalo, mane mafelelezo ni kutaha fa sibunga. Ne i cincize ili yona mwa mazazi a Wesley. Ya bonahala sina buloto cwalo, mane inge buloto kufita matali mwa na bonahalela. Ya taha ku yona iñi hape.

<sup>202</sup> Mi lufumana cwana kuli, iba bubeke, mane kubonahala inge ya luli. Mi haiba uka talima fela hande ni kuyebula kwatensi makapi, mu ka fumana niti. Bubeke bwa pili bwa buloto bwani habuna bubeke ku bona, ni hanyinyani. Ki sikapi, ki litali. Mulena, yona ancafazo yetuna ya ba Pentekota yene ile, ne ina ni kuba ona cwalo, Mulena, kuli i bukeleze Buloto ha se butile. Nekusike kwaba sibaka sa Bona kwa kuya.

<sup>203</sup> Cwale, Ndate, lu ziba kuli lunga lika kaufela ka sibupeho, kakuli U ezize ze bupilwe. U liuluzi lifrasi: ka nzila Yo li kolobelize ka yona, mazazi a Nuwe, kasamulaho wa kutazo ya hae; Wa sulula Mali a Mwana fa lifasi, wa Ikeniseza lona unosi; mi mwa lusika lo lutuna lo lutaha, mwa kuncaafazwa, U ka licisa ka mulilo, kucisa kwatensi za bulifasi kaufela. Sina Mo evezanga ku Mukreste, Wa mu pilisa: wa mu kolobeza; wa ku kenisa; mi wa bupa lifasi sinca ku yena, ni ku mu nga kuba wa Hao, ka kukenya Moya o Kenile ku yena.

<sup>204</sup> Lu ziba kuli buloto bo butile ka mukwa o swana. Sibupeho kaufela sibeleva ka kuswana. Cwale, Mulena, ha lu bona sikapi cwale si yebuha kwa Bubeke, kuya ka lifasi, O Mulimu, lumeleza

kuli lipeu zani likone . . . Si—si sikapi sina ni ku yebauba kwateñi, kuli bubebe bukone kutaha Fapila Mwana. Ni utwa kutaha kwa mukutuli, Mulena. Hakuna kuliyeha. Mi kipeto manela yetuna ika nga Munyaliwa wa Hae kuliba kwa kanya, fa Pila Mulimu.

<sup>205</sup> Na lapela, Ndate, kuli U fuyole mañi ni mañi wa luna. Halu hupuleñi, Mulena, kuli ye kona kolo ya luna. Hakulata haluna nihaiba iliñwi ya kamuso. Kacenu kona kolo yaluna. “Kacenu, kasamulaho wa nako yetelele hahulu, ha mu utwa Linzwi la Hae, musike mwa itatafaza lipilu.” Mulena Mulimu, Hani zibi sicaba se. Haiba kuna ni yomukana mo, ya sina lika ze, lumeleza busihu boo kuli ba amuhele mutalelela wa Mulimu, mi ba tazwe ka Moya o Kenile. Lumeleza cwalo, Ndate.

<sup>206</sup> Cwale ni litoho zaluna ze inami, lipilu zaluna liinami cwalo, hape. Balikani, mu ni swalele mo ne Ni pumezi liñusa laka. Na—Na lapela kuli Mulimu ami bonise fela se Ni talusize. Cwale, haiba . . . Ha ni lati kuli mutu atalime talime. Mu inamise fela litoho za mina ona cwalo. Ha nina taba. Yo uli yena kaufela, haiba ha u zibi hande kuli bupilo bwa hao . . .

<sup>207</sup> Cwale, mwabona, yeñwi ni yeñwi ya mizamao yani, ki sikamañi sene i ezize? Ne ikeni mwa kopano. Ne Bu ezize sikamañi? Moya no zwile, kuya kusili. nako yani Luther ha to ongaonga; Yaya ku kenelela fela ku Wesley. Wesley na ongaongile; Yakena mwa Pentekota. Pentekota ya ongaonga; ki kai ko i ya? Kuswana fela sina Siita sa Mulilo, ya zwelepili fela kuzamaya.

<sup>208</sup> Mi batu babañwi, ba li, “Ni wa Pentekota.” Zeo ki zende. “Ni wa Lutheran.” Zeo li lukile. Hakuna se si nyazahala ka sona.

<sup>209</sup> Kono, mulikani, mulikani, Buloto bu sa zwelapili. Lu bile ni iliñwi ya lincafazo zetuna hahulu. Ye—ye bile teñi nako yetelele. Litaba za kale li bonisa kuli ancafazo iinanga fela lilimo zetalu. Ye kwateni ibile teñi hala lilimo ze fiftini, kamba kufitelela, likundi zetuna za lifoliso, kono se i batile cwale. Amutalime! Ancafazo kaufela kamita ipepanga kopano mwa mulaho wa yona. Kiñi ye ha i si ka eza cwalo? Kuna ni sirkwata nyana sa mizwale bene ba kalile, kulo kwani kokuñwi, baba bizwa kuli Later Rain, hakuna ko ne baile; ba wa isali kwa makalelo. Kiñi? Ki lusika lwa Buloto, balikani. Ki Buloto shangwe. Kuna ni bulumiwa mwa lifasi bo bu swana fela inge bone bu keni mwa mubu kwa mulaho kwani kwa simuluhu, ki kutwisiso luli ya pentekota.

<sup>210</sup> Likeleke lisweli za ongaongiwa. Mi alimuñwi ulika kuyaha yetuna kufita yомуñwi, ni kuba ni ma membala babañata ni lika zeñwi, likopano, hanyinyani cwalo. Lwa li bona. Ni wa pentekota. Lwa li bona ha li yebauba kwateni. Kono kisikamañi? Buna ni kueza cwalo, ili kuli—kuli Mwana akone kuikungela Peu. Haiba ne li siyo, pili, haiba bekusina sikapi ku yona, ne kusina sibaka ko ne ikaya. Mulimu na si bupile kuba sikapi,

mwabona, inge mbonyi, inge buloto, inge sika kaufela se si zwa kwa muutwa. Cwale, mwabona, ha ku si ka ba kopano ni yekana yetahile kasamulaho wa ye. Kiñi? Hakuna nako ya zeo cwale. Lu kwa maungulo.

<sup>211</sup> Mi haiba ha u yo fela fo ulukela kuba, mi u kali, "Muzwale Branham, haiba Mulimu uka utwa tapelo ya hao ya bakuli, mi Ni utwile sa ezize Mulena mwa ku alaba kwa tapelo..." Mi u utwile batu babañwi mwa lifasi kacenu, kuli ba lapela. U li, "Ni... Kikuli uka ni lapelela kwatensi, kuli Ni amuhele kutwisiso yeo, Muzwale Branham? Hakulata hanina ku mi bona hape." Hakulata hanikoni ku mi bona hape. "Kono ulapele kuli Ni be kwani. Hani ikutwi fela inge kuli Ni kaba teni cwale. Kono Ni tabelia kuli u ni lapelele, kuli Ni be cwalo."

<sup>212</sup> Cwale, toho kaufela i iname. Nanula lizoho la hao, nji cwani? Mulena aku fuyole, aku fuyole, ni wena. Mulimu aku fuyole. Mwa sikkwata sa batu se, Na sepa, mashumi aketalizoho, mwendi, kamba mazoho a sebente faifi a nanuhile.

<sup>213</sup> Cwale, Jesu Yomunde, Wena u muatuli. Luna lu bakutazi fela. Na lapela, Mulimu Yomunde. Mi—mi haiba Ni fumani sishemo mwa meto a Hao, alaba tapelo yaka. U boni lizoho kaufela le li nanuhile. U ziba ze li kwatasi a pilu yabona. Lu lumela kuli ba lukiselizwe kuliba kwa Bupilo. Mi Satani, inge fela mwa mazazi a Adama, ulika kubuluka siemba sabutokwa sani kwa kutaha. Ha li tuheliswe busihu boo. Mi cwale Mali a Jesu Kreste a si kwalele, mi ha ba tahe ka siemba sa butokwa ku Mulimu. Lumeleza cwalo, Ndate.

<sup>214</sup> Ha ba kone ku zibahalela mwa Linzwi la Kreste. Na ize, "Kwanda kuli mutu apepwé sinca..." Ha ba amuhele kutwisiso ya kupepwa sinca yani. Ha ba amuhele kolobezo ya Moya o Kenile, yona pupo ya lika kaufela za lifasi. Ha ba sa li tabela ni hanyinyani, Mulena. Kenisa lifasi lani libe kwahule ni bona, mi uba beye sina siemba sabutokwa fapila sicaba. Lumeleza cwalo, Mulena, kuli U table mwa lusika lo lwa simu ya mwa mazazi amaungulo a, kuli ba to tisa siemba sabutokwa sa Hao sa baana ni basali, bashimani ni basizana, ba ba nanuzi mazoho a bona. Lumeleza cwalo, Mulena.

<sup>215</sup> Fuyolaancafazo ye i sweli kuezahala mwa muleneñi. O Mulimu, Ni lapela kuli muuna kaufela ni musali, yali bukaufi hahulu, uka potela ancafazo yani. Mi cwale mañi ni mañi wa bona a tazwe ka Moya o Kenile, mi cwale ha kube ancafazo ya mufuta wa kale ye ka fiyela mwa tolopo yenyinyani kaufela mo, kufitela sicaba se sizwa kai ni kai sitahe. Lumeleza cwalo, Mulena. Lufe lika ze, Ndate, kakuli lu kupa ka Libizo la Jesu. Amen.

<sup>216</sup> Na Mu lata. Na Mu lata. Kana mwa Mu lata? Mwa ziba, Paulusi naize, "Haiba Ni opela, Ni opelela ka Moya." Na komoka. Na mane Ni kwahule hahulu ni kuba muopeli. Kono ni komoka

fela, hamoho, haiba lukona kukalisa pina yani yetwi, *Na Mu Lata*. Kikuli wakona ku lufa munembo, kezeli? “Kakuli U ni latile pili.” Mu i utwile fateni. Ki babakai baba i ziba? Halu boneni a mina... Ki iliñwi ya lipina zaka za kale. Na lata ku iopelanga. Ku lukile.

<sup>217</sup> Cwale halu inamiseñi fela litoho zaluna ni kuitima kwa meto, mi luopele cwale, *Na Mu Lata*.

Na Mu lata, Na Mu lata  
Kakuli U ni latile  
Ni kuleka puluso yaka  
Fa kota ya Kalvari.

<sup>218</sup> Halu i ñuñuneñi. Zazi leliñwi bo nambwamutalati ba ka tala mbyumbuyulu. Ku kaba kulila kwa tolombita. Ba ba shwezi ku Kreste ba ka zuha. Oh, mo lu ka Li batela ka nako yeo!

Ni kuleka puluso yaka  
Fa koya ya Kalvari.

<sup>219</sup> Kwani kona kwa Na tilo bela Siemba sabutokwa sa luna.

<sup>220</sup> Muhupule fela, liemba za butokwa kaufela, li si ka beiwa mwa muyaho wa libubo, lina ni kuya mwa muyaho wa kunyakisiswa ni kutikitibiwa, pili. Batikitibi bana ni kubona haiba bakona ku si tikitiba. Kono ha si yema fapila batikitibi, kipeto si isiwa mwa muyaho wa libubo. Mwana M̄ulimu na fitile mwa likañi la kopano kaufela, katengo, mane kufitela Pilato abulela kuli, “Hakuna mulatu oni fumana ku yena.” Judasi ali, “Ni betekile Mali asina mulatu.”

<sup>221</sup> Mi Mulimu a Mu zusa, mi Yena upahekilwe mwa muyaho tuna wa kabubo kacenu, kwa lizoho la bulyo la Mulimu, inza lu kupela kwateni. Kana hamulati ku kopanya ni Yena kwani? Kikuli hamu tabeli kuba siemba sa zani? Mwa kona kuba cwalo. Mu memilwe kuli mube cwalo. Halunze lu opela pina ye, kiñi fela ha u sa buleli ni Yena cwale.

...uni latile pili  
Ni kuleka puluso yaka  
Fa kota ya Kalvari.

<sup>222</sup> Halunze lu i opela hape, Ni bata kuli mu swalane mwa mazoho ni yomuñwi yali mwabuse bwa tafulé kuzwa ku mina cwale. Muli, “Mulimu aku fuyole, mulikani wa Mukreste. Mulimu aku fuyole. U ni lapelele kwateni.” Mañi ni mañi wa mina mueze cwalo cwale, halunze lu opela ye hape.

Na lata... (Ni lapelele kwateni. Ni lapelele  
kwateni.) ...Mu lata  
Kakuli Yena...

<sup>223</sup> Yeo ki niti, mu swalane mwa mazoho, muli, “Ni lapelele kwateni.” Kaufela mina mu ni lapelele kwateni. Ni bata kuba kwani, maswe maswe luli.

Ni kuleka puluso yaka  
Fa kota ya Kalvari.

<sup>224</sup> Cwale halu inamiseñi litoho za luna ni kukwala meto a luna,  
mi lu nanule mazoho a luna ni ku i opelela Yena cwale.

Na . . . (O Mulimu!) Na Mu lata  
Kakuli U ni latile pili  
Ni kuleka puluso yaka  
Fa kota ya Kalvari.

Mutalime fa Siemba sabutokwa sa mina se si lepelela fani.

<sup>225</sup> Mubeti Yomutuna, Mulimu yomutuna ya na ezize mutu, ni ku mu bupa ka ku mueza mwa siswaniso sa Hao tota, Na Ku lapela, Mulena, kuli U lunge busihu boo. Bo cwale bube busihu bo bu kana bu hopulwa, bo bu hopulwa hande ku luna, kuli, busihu boo, Mulena, busihu bo, ona mo mwa Stardust Motel, mi Wena ubupe baana mwa sibupeho sa baana babashimani ba Mulimu. Lumeleza cwalo, Mulena. Mubeti Yomutuna, ki Wena fela Unosi wakona kueza cwalo. Unge Linzwi la Hao, Mulena, u Li bupe li be mwa lipilu za luna kaufela, kuli lube liemba zabutokwa za Hao mwa mazazi a maungulo, mi lu bizwe Munyaliwa wa Kreste. Batu babañwi bakona kubona kuli kuna ni buniti mi ni tabo ye cwalo ku Yena.

<sup>226</sup> Mulena, lizazi le, kuli nihaiba likeleke za luna, li latehezwi ki busepahali bwa zona. Halina . . . Ku bonahala kuli, kaufela li icongile kukena mwa Hollywood, Mulena, kiñi ze ezahalile? Ba latelezi fela ze—ze benya kufita kulatelela ze monyeha. Lu ziba kuli lifasi la monyeha ka kutwano ya lifasi. Kono Evangelii benya ka lilato ni ka Kreste. Lumeleza, Mulena, kuli luzwe kwa kubunya kwa lifasi kwani, mi lukene mwa lumonyi lwa Kreste.

<sup>227</sup> Ki ba Hao, Mulena. U ba lekile. Wena . . . Ba nanuzi lizoho la bona, busihu boo, ba bata kuba cwalo. Cwale, Ndate, Na . . . Haiba Ni kona, Nikona kuba eza cwalo, kono ha Ni koni. Kono Na Ku sepa. No ize, “Ya taha ku Na ha Ni na ku mu leleka. Ya utwa Linzwi la Ka mi alumela ku Ya Ni lumile, una ni Bupilo bobusafeli, mi haana kutaha mwa Katulo,” isiñi ku likanyisa kulumela cwale, Mulena, kono kulumela, “uzwile kwa lifu ukeni mwa Bupilo.” Lumeleza cwalo, Ndate. Ki ba Hao, ka Libizo la Jesu Kreste. Amen.

<sup>228</sup> Mwa Mu lata? Kana ha Ki yomunde nji?

<sup>229</sup> Aku lufe munembonyana, kamba mulumo foo, kezeli, *Yomunde, Yomunde*.

Mwa tabela kuopela? Kana Na liyeha hahulu nji?

<sup>230</sup> Ni tabela ku lumbeka. Mina bo? Liñusa nyana, le li buhali sina cwana, Ha ni . . . Mwa ziba, Ni toile ku li pumelanga. Kono, una, una ni kunata mapo kuli ikene, kuli iswale. Mwa ziba se Ni talusa. Eehe. Mu lukela ku si utwisia cwale. Kana mwabona?

<sup>231</sup> Mwa lata pina yeo? “Yomunde, yomunde, Jesu u kuna.” Mwa i ziba yani?

Yomunde, yomunde, Jesu ki waka,  
 Ki muelezi, Mulena wa Kozo, Mulimu Yamata  
     ki Yena;  
 Hato nipilisa, kuni zusa kwa sibi ni maswabi,  
 Yomunde Muliululi wa ka, ku lumbwe Libizo  
     la Hae!  
 Ne ni latehile, cwale Ni fumanwi, ni lukuluhile  
     kwa katulo,  
 Jesu ufa tukuluho ni puluso yetezi;  
 Hato nipilisa, kuni zusa kwa sibi ni maswabi,  
 Yomunde Muliululi wa ka, ku lumbwe Libizo  
     la Hae!

Mañi ni mañi!

Yomunde, yomunde, Jesu ki waka,  
 Ki muelezi, Mulena wa Kozo, Mulimu Yamata  
     ki Yena;  
 Hato nipilisa, kuni zusa kwa sibi ni maswabi,  
 Yomunde Muliululi wa ka, ku lumbwe Libizo  
     la Hae!

<sup>232</sup> Cwale ha lu buleñi kuli, “Kulumbwe Mulena!”  
 “Kulumbwe Mulena!” Kikuli ha muikutwi ku kwakuliwa?  
 Mukutwa hande? Mulapele Mulena. Ki yena yomunde.

<sup>233</sup> Mulimu ami fuyole kufitela Ni mi katana hape. Ni ka  
 sikululela sebelezo cwale ku muzwale, moeteleli. 

*SIEMBA SA BUTOKWA SE SI ZIBAHALIZWE SA MULIMU* LOZ64-1205  
(The Identified Masterpiece Of God)

Liñusa le ka Muzwale William Marrion Branham, neli kutilizwe lwa pili mwa Sikuwa la Pelekelo manzibwana, Ñulule 5, 1964, mwa mukopano wa ba Full Gospel Business Men's Fellowship International ili fa Stardust Motel mwa Yuma, Arizona, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)